

摘藻堂四庫全書薈要

子部

欽定四庫全書薈要卷一萬六百十一

子部

御定佩文齋廣羣芳譜卷四十八

花譜

菊花一

原菊一名治牆一名日精一名節花一名傅公一名周  
盈一名延年一名更生一名陰成一名朱羸一名帝女  
花 增本草菊一名女節一名女莖一名金莖蘇頌曰  
白菊潁人呼為回峯菊汝南名荼苦蒿上黨及建安郡

順政郡並名羊歡草河內名地薇蒿 原埤雅云菊本

作菊從鞠窮也花事至此而窮盡也宿根在土逐年生  
芽莖有稜嫩時柔老則硬高有至丈餘者葉綠形如木  
槿而大尖長而香花有千葉單葉有心無心有子無子  
黃白紅紫粉紅間色淺深大小之殊味有甘苦之辨大  
要以黃為上白次之性喜陰惡水種須高地初秋烈日  
尤其所畏本草及千金方皆言菊有子將花之乾者令  
近濕土不必埋入土明年自有萌芽則有子之驗也味

苦甘平無毒昔有謂其能除風熱益肝補陰蓋不知其  
得金水之精英能益金水二臟也補水所以制火益金  
所以平木木平則風息火降則熱除用治諸風頭目其  
旨深微黃者入金水陰分白者入金水陽分紅者行婦  
人血分皆可入藥久服令人長生明目治頭風安腸胃  
去目翳除胸中煩熱四肢遊氣久服輕身延年或用之  
而無效者不得真菊耳 增本草陶弘景曰菊有兩種  
一種紫莖黃色氣香味甘為真菊一種青莖而大作蒿

艾氣味苦者名苦薏非真菊也葉正相似以甘苦別之  
又有白菊莖葉都相似惟花白五月取之吳瑞曰花大  
而香者為甘菊花小而黃者為黃菊花小而氣惡者為  
野菊李時珍曰無子者謂之牡菊 原其類有甘菊

名一

真菊一名家菊一名茶菊花正黃小如指頂外尖瓣內  
細莖柄細而長味甘而辛氣香而烈葉似小金鈴而尖  
更多亞淺氣味似薄荷枝幹嫩則青老則紫實如葶蘆  
而細種之亦生苗人家種以供蔬茹凡菊葉皆深綠而  
厚味極苦或有毛惟此葉淡綠柔瑩味微甘都勝一名  
咀嚼香味俱勝擷以作羹及泛茶極有風致都勝一名  
黃一名大金黃一名添色喜容蓓蕾殷紅瓣潤而短花  
瓣大者皆有雙畫直紋內外大小重疊相次而黃背紅

開時黃暈漸大紅暈漸小突起如傘頂葉綠皺而尖其  
亞深瘦則如指肥則如掌莖紫而細勁直如鐵瘦挫肥  
則高可至六七尺葉常不壞小花御愛出京師開以九  
中之極美者也九月末開出陳州御愛月末一名笑靨  
一名喜容淡黃千葉花如小錢大葉有雙紋齊短而潤  
葉端皆有兩缺內外鱗次上二三層花色鮮明下層淺  
色帶微白心十餘縷色明黃葉比諸菊最小而  
青每葉不過如指面大或云出禁中因得名 金芍藥

一名金寶相一名賽金蓮一名金牡丹一名金骨朵蓓  
蕾黃紅花金光愈開愈黃徑可三寸厚稱之氣香瓣潤

葉綠而澤稀而弓長而大亞深枝幹黃鶴翎蓓蕾朱紅  
順直而扶疎高可六七尺菊中極品黃鶴翎如泥金瓣

而紅背黃開則外暈黃而中暈紅葉青弓而稀大而長  
多尖如刺枝幹紫黑勁直如鐵高可七八尺韻度超脫

菊中之仙品也蜜鶴翎久不可見木香菊多葉畧似御  
白者次之粉者又次之紫者為下衣黃初開淺

鵝黃久則淡白花葉尖薄感開則微卷芳氣最烈一名腦子菊

**大金黃**

花頭大如折三錢心瓣黃皆一

色其瓣五六層花片亦大一枝之杪多獨生

**小金黃**

名一

一花枝上更無從蕊綠葉亦大其梗濃紫色

明州黃一名疊金黃花頭大如折二錢心瓣黃皆一色

開未多日其瓣鱗鱗六層而細態度秀麗經多日則面

上短瓣亦長至于整整而齊不止六層蓋為狀

**勝金黃**

先後不同也如此狀如笑靨花有富貴氣開早

花頭大過折二錢明黃瓣青黃心瓣有五六層花片比

**黃羅繖**

花深

從蕊顏色鮮明玩之快人心目但條梗纖

弱難得團簇作大本須留意扶植乃成

**報君知**

一名九日黃一名早黃一名蟹爪黃花黃赤而

有寶色開于霜降前久而愈艷徑二寸有半氣

可二寸體薄中有頂瓣紋似羅下垂如傘柄長而勁葉

綠而稀厚而長亞深枝幹細直勁如鐵高可六七尺

香瓣末稍歧有尖突起葉青而稀長而  
大亞深莖紫枝幹勁挺高可八九尺  
金鎖口 一名黃

名錦鱗菊瓣葉莖幹頗類黃鶴翎開亦同時體厚莖潤  
絕類西施瓣背深紅面正黃瓣展則外暈黃而內暈紅

既微則一黃菊耳徑可二寸有半沈譜曰深  
紅千瓣週邊黃色半開時紅黃相雜如錦  
銀鎖口 初花

黃後淡週邊白色如銀半開時黃白相雜可  
愛上二花可為絕品非其他小巧者可比  
鴛鴦錦 一名

四面佛一名鸞交鳳友一名孔雀尾初作舊當時每一  
蒂即迸成三四亦有至五六者其瓣面重黃而背重紅

開時奇怪一分為三截下截皆黃中截則紅其頂又紅  
四面支撐紅黃交雜如錦開徹四面盡露紅背盡隱厚

徑二寸餘上尖高二寸如樓臺氣香葉黑綠澤皺而瓦  
有稜角其尖最多亞甚深葉根多冗莖紫枝幹勁挺高

可四  
五尺 御袍黃 一名瓊英黃一名紫梗御袍黃一名柘袍  
黃一名大御袍黃花如小錢大初開中赤



既開莖黃徑三寸半瓣濶開早瓣末如有細毛開最久  
殘則紅葉綠稀而長厚而大亞深紫根青淨莖葉枝幹  
扶疎高可一大狀類御  
愛但心有大小之分  
**青梗御袍黃**  
一名御衣黃一名淺色御袍黃朵瓣

葉幹俱類小御袍黃但瓣疎而莖清耳范譜  
曰千瓣初開深鵝黃而差疎瘦久則變白  
**側金盞**  
此品

類大金黃其大過之有及一寸八分者瓣有四層皆整  
齊花片亦濶大明黃色深黃心一枝之杪獨生一花枝

中更無從蕊名以側金盞者以其花大  
而重欹側而生也葉綠而大梗淡紫  
**狀元黃**  
一名小金蓮其

花焦黃馥馥始終一色瓣疎細而茸作饅頭之形徑二  
寸許萼深綠開甚早氣香葉綠而大長而瓦厚而綿似

金芍藥而尖葉根清淨莖淡  
**剪金球**  
一名剪金黃一名金樓

紅枝幹順直扶疎高七八尺  
子一名密翦毵其色莖黃瓣末細碎如翦頂突有細萼  
相雜茸茸氣香其殘也紅葉青而綠皺而稠肥而厚濶

而短亞深葉根冗甚枝

**黃繡球**

一名金繡球一名黃羅衫一名木犀球一名金

球花深黃葉色

**晚黃球**

深黃千瓣開極大

**十采球**

黃千瓣如球

**大金**

球金黃千瓣

**小金球**

一名球子菊一名金彈子深黃千瓣中邊

一色花較小

**球子**

有倫理一枝之妙叢生百餘花若小

球諸菊黃花最小無過此者然

**金鈴菊**

花頭甚小如鈴之圓深黃一色

其幹之長與人等或言有高近一丈者可以上架亦可

蟠結為塔故又名塔子菊一枝之上花與葉層層相間

**金萬鈴**

開以九月末深黃千

有之不獨生于枝頭綠葉  
尖長七出凡菊葉多五出  
金為質是菊正黃色而葉有鐸形則于名實兩無愧也  
菊有花密枝偏雙心貌長者謂之鞍子菊與此花一種

持以地脉肥瘠使之然爾又有大黃鈴大金鈴  
蜂鈴之類或形色不正較之此花大非倫比  
小金鈴

一名饅頭菊花似大金鈴而小外單瓣  
中筒瓣葉似甘菊而厚大開以十月  
夏金鈴出西京開以六

月深黃千葉與金萬鈴相類而花頭  
瘦小不甚鮮茂以生非其時故也  
秋金鈴出西京開以九月中

深黃雙紋重葉花中細蕊皆出小鈴其萼亦如鈴葉但  
此花葉短廣而青有如蜂鈴狀初出時京師戚里相傳

以為蜂鈴開以九月中千葉深黃花形圓小而中有鈴  
愛翫蜂鈴葉擁聚蜂起細視若有蜂窠之狀大抵似金

萬鈴獨以花形差小而尖又  
有細蕊出鈴葉中以此別爾  
大金鈴有鈴者皆如鐸之

形而此花之中實皆五出細花下有大葉承之每葉有  
雙紋枝與常菊相似葉大而疎一枝不過十數葉俗名

大金鈴以花形  
似秋萬鈴耳  
千葉小金錢  
外疊疊整齊心甚大  
單葉

小金錢

花心尤大開最早  
重陽前已爛熳

小金錢

開早大于小錢明黃  
瓣深黃心其瓣齊齊

三層花瓣展其  
心則舒而為筒

大金錢

開遲大僅及折二錢心瓣明黃  
一色其瓣五層此花不獨生于

枝頭乃與葉層層相間  
而生香色與態度皆勝

金錢

出西京開以九月末深黃  
雙紋重葉似大金菊而花

形圓齊頗類滴滴金人未有識者或以為棣  
棠菊或以為大金鈴但以花葉辨之乃可見

荔枝菊

花

大于小錢明黃細瓣層層鱗次不齊中央無心鬚乃簇  
簇未展小葉至開遍凡十餘層其形頗圓故名荔枝菊

香清甚姚江士友云  
其花黃狀似楊梅

金荔枝

一名荔枝黃花金黃徑二  
寸餘厚半之瓣短而尖開

遲葉青而稠大而尖  
其亞淺高可三四尺

荔枝紅

一名紅荔枝  
紅黃千瓣

棣棠

出西京  
開以九

月未雙紋多葉自中至外長短相次如千葉棣棠狀凡  
黃菊類多小花如都勝御愛雖稍大而色皆淺黃其最

大者若大金鈴菊則又單葉淺薄無甚佳處惟此花深黃多葉大于諸菊而又枝葉甚青一枝叢生至十餘朵花葉相映顏色鮮好甚可愛也

# 金飽子

花比甘菊差大纖穠酷似棣棠色艷如赤金他花色皆不及蓋

奇品也葉亦似棠株不甚高金陵最多開早

# 九煉金

一名滲金黃一名銷金菊花似棣棠菊而稍大

瓣似荔枝菊而稍禿開于九月前外暈金黃中暈焦黃葉綠狹而尖亞深葉根多冗莖紫而細勁直如鐵高可

# 黃二色

九月末開鵝黃雙紋多葉一花之間自有深淡兩色然此花甚類薔薇菊惟形差小又近

蕊多有亂葉不然亦不辨其異種也

# 橙菊

花瓣與諸菊絕異黃色不甚深其瓣成筍排莖生于莖上後乃

開作小片婉孌至于成團衆瓣之下又有統裙一層承之亦猶橙皮之外色也其中無心

# 小御袍黃

一名深色御袍黃花全似御袍黃瓣稍細開頗遲心起突色如深鵝黃菊瘦有心不突

# 黃萬卷

一名

金盤橙其色金黃徑二寸有半厚三之二其外夾瓣其中甯瓣開遲葉青而稠大而瓦其末團其亞深葉根多

冗枝幹偃蹇而鄧州黃開以九月末單葉雙紋深于鵝

麤大高五六尺黃而淺于鬱金中有細葉出鈴

萼上形樣甚似鄧州白但差小耳按陶隱居云南陽鄧

縣有黃菊而白者以五月採今人間相傳多以白菊為

貴又採以九月頗與古說相異惟黃菊味甘金絲菊花

氣香枝幹葉形全類白菊疑弘景所說即此

大過折二錢深黃細瓣凡五層一簇黃心甚小與瓣一

色顏色可愛名為金絲者以其花瓣顯然起紋絡也十

月方開此花垂絲菊花蕊深黃莖極柔細隨

根菱極壯風動搖如垂絲海棠錦牡丹之花

紅黃赤黃者多以錦名花之豐碩而檀香毬色老黃形

姪者多以牡丹名或又名秋牡丹

開徹整齊徑幾三寸厚麝香黃花心豐腴旁短葉密承

三之二氣香葉幹短蹙之格極高勝亦有白者

大畧似白佛頂而勝之  
遠甚吳中比年始有

### 黃寒菊

花頭大如小錢心瓣皆深黃色瓣有五層甚細

開至多日心與瓣并而為一不止五層重數甚多聳突而高其香與態度皆可愛狀類金鈴菊差大耳

### 薔

薇九月末開深黃雙紋單葉有黃細蕊出小鈴萼中枝幹差細葉有支股而圓又薔薇有紅黃千葉單葉兩

種而單葉者差尖人間謂之野薔薇蓋以單葉爾

### 鵝毛

一名鵝兒黃開以九月淡黃纖如細毛生于花

萼上凡菊大率花心皆細葉如下有大葉承之則謂之托葉今鵝毛花自內至外葉皆一等但長短上下有次

爾花形小于萬鈴亦近年花也

### 金孔雀

一名金襴菊蓓蕾甚巨初開金黃既開赤黃徑三寸半厚稱之

其氣不佳瓣尖而下垂隨開隨悴葉青而濁長大皺其亞深根冗甚枝幹偃蹇而羸大高可一丈

### 黃五

### 九菊

花鵝黃色外尖瓣一層中瓣茸茸然徑僅如錢夏秋二度開葉青而稠長而多尖其亞深葉根有冗

枝幹細而高  
僅二三尺

**九日黃**

大如小錢黃瓣黃心心帶微青瓣有三層狀類小金錢但此花開在

金錢之前也開時或有不甚盛者惟地土得宜方盛綠葉甚小枝梗細瘦

**殿秋黃**

一名黃芙蓉一名金

芙蓉一名近秋黃一名晚節黃一名大蠟瓣花蜜蠟色徑二寸有半瓣濶微皺開于秋末葉青稀厚而瓦大如

掌亞深枝幹麤動如樹高可八九尺

**小殿秋黃**

朵瓣葉幹俱似殿秋黃而清雅過之

**疊羅黃**

狀如小金黃花葉尖瘦如翦羅穀三兩花自作一高枝出叢上態度瀟灑

**繖蓋黃**

花似御袍黃而小柄

長而細萼黃莖青

**小金眼**

一名楊梅毬一名金帶圍一名腰金紫與大金眼同花朵差小枝幹稍細

高僅三四尺

**太真黃**

花如小金錢色鮮明

**黃木香**

深黃小千瓣花僅如錢

**黃翦戎**

色金

**黃粉團**

黃花千瓣中心微赤

**黃蠟瓣**

花淡黃

**錦雀舌**

一名金雀舌重黃多



辦辦微尖  
如雀舌

**金玲瓏**

一名錦玲瓏一名金絡索  
金黃千瓣瓣卷如玲瓏

**錦絲桃**

一名

錦蕪桃辦背紫而  
面黃餘類紫絲桃

**黃牡丹**

其花鵝黃其  
背色稍深

**金紐絲**

一名金  
撫線一

名出谷箋一名金紋綠色瑩黃開遲高  
可一文瘦則薄而小肥則與銀紐絲同

**錦西施**

紅黃多  
瓣形態

似黃西施  
多瓣

**瑪瑙西施**

紅黃  
多瓣

**二色瑪瑙**

金紅淡黃  
二色千瓣

**錦褒**

如金黃千瓣似粉褒  
如而韻態尤勝

**鴛鴦**

一名合歡金千朵小  
黃花皆並蒂葉深碧

**波斯菊**

花頭極大一枝只一葩喜倒垂下  
久則微捲如髮之翬淡黃千瓣

**茉莉菊**

花頭  
巧小

淡淡黃色一蕊只十五六瓣或止二十片一點綠心其  
狀似茉莉花不類諸菊葉即菊也每枝條之上抽出十

餘層小枝枝  
皆簇簇有蕊

**紫粉團**

黃花千瓣  
中心微赤

**錦麒麟**

一名回回菊其  
花極耐霜露徑

可二寸萼黃瓣初赤紅既開則面金黃而背赤紅葉  
綠而黑長厚而尖其亞深葉根有冗高可五六尺

**羽黃**

一名鶯乳黃嫩

**樓子佛頂**

花鵝黃其瓣大約四層下一層瓣單而大二層

數疊稍縮三層亦數疊又縮四層黃萼細鈴茸然突起作頂徑僅如錢經霜即白其葉微似錦繡迷青而皺長厚而尖其亞淺葉根有冗其枝幹勁直高可四五尺凡花之外有大瓣而中有細萼茸然突起作頂似鈴非鈴似管非管者不問千瓣多瓣單瓣皆當從佛頂之稱惟鈴管分明者則不可得而混也

**黃佛頂**

一名佛頭菊一名黃餅子一名觀音菊黃千瓣中心細瓣高起花徑寸餘心突起似佛頂四邊單瓣瓣色深黃

**黃佛頭**

花頭不及小錢明黃色狀如金鈴菊中外不辨心瓣但見混同純是碎葉突起甚高又如白佛

頭菊之

**佛頭菊**

無心中

**小黃佛頂**

一名單葉小金錢花邊亦同

兔色黃

蓓蕾葉幹俱似繡芙蓉瓣似荔枝  
菊色似兔毛徑僅二寸殊不足觀

野菊

亦有兩種花

頭甚小單層心與瓣皆明黃色枝莖極細多依倚他草  
木而長別有一種其花初開心如旱蓮草開至涉日則

旋吐出蜂鬚周圍蒙茸然如蓮花鬚之狀枝莖頗大  
綠葉五出能仁寺側府城牆上最多以上黃色九

華菊

此品乃淵明所賞今越俗多呼為大笑瓣兩層者  
曰九華白瓣黃心花頭極大有濶及二寸四五分

者其態異常為白色之冠香亦清勝枝葉疎散九月半  
方開昔淵明嘗言秋菊盈園其詩集中僅存九華之一

名喜容

千葉花初開微黃花心極小花中色深外微暈  
淡欣然丰艷有喜色甚稱其名久則變白尤耐

封植可以引長七八尺至一金杯玉盤  
文亦可攬結白花中高品也白中心黃四旁淺

花頭徑三寸菊之大者不過此粉團  
本出江東比年稍移栽吳中此品與諸菊絕異  
含蕊時色淺黃帶

微青花瓣成甬排豎生于萼上其中央初看一似無心  
狀如橙菊盛開則變作一團純白色形甚圓香甚烈至  
白瓣凋謝方見瓣下有如心者甚大白瓣皆匿匝龍腦  
出于上經霜則變紫色尤佳綠葉甚麤其梗柔弱

一名小銀臺一名瑤井欄出京師開以九月末類金萬  
鈴而葉尖花色類人間紫鬱金而外葉純白香氣芬烈

甚似龍腦是香  
與色俱可貴也  
**新羅**一名玉梅一名倭菊出海外開以  
九月末千葉純白長短相次而花

葉尖薄鮮明瑩徹若瓊瑤然始開時中有青黃細葉如  
花蕊之狀盛開後細葉舒展始見其蕊枝正紫色葉青

支股甚小凡菊類多尖闕而此花之蕊分為五出  
如人之有支股與花相映標韻高雅非尋常比  
**玉球**

出陳州開以九月末多葉白花近蕊微有紅色花外大  
葉有雙紋瑩白齊長而蕊中小葉如翦茸初開時有殼

青久乃退去盛開後小葉舒展皆與花外長葉相次側  
垂以玉球目之者以其有圓聚之形也枝幹不甚麤葉

尖長無殘闕枝葉皆有浮毛頗與諸菊異然

出爐銀一名

銀紅西施一名粉芙蓉花寶色瓣厚大初微紅後蒼白如銀出爐終始可愛徑三寸許形團葉青而黃有紋蠟

色皺而瓦長厚而尖葉根冗白繡毬一名銀繡毬一名莖青枝幹屈曲高僅三四尺白繡毬一名羅衫一名瓊繡

毬一名玉繡毬一名白木犀一名玉毬色青白而有光

醵花抱帶大于鵝卵其瓣有紋中有細萼開最久殘則

牙紅葉稀而青長大而多尖亞玉牡丹一名青心玉牡丹一名蓮花菊

深枝幹勁直而扶疎高可一丈玉牡丹一名蓮花菊

花千瓣潔白如玉徑二寸許中暈青碧開早開徹疎爽

葉青而稀長而厚狹而尖亞深葉根有冗莖淡紅枝幹

勁挺高僅二三尺

玉芙蓉

一名後純白徑二寸有半香甚開早瓣厚

而瑩疎而爽開最久其殘也粉紅葉靛色微似銀芍藥

皺而尖葉根多冗莖亦靛色枝幹偃蹇高僅三四尺

銀紐絲

一名白萬卷一名萬卷書一名銀絞絲一名銀初微黃後瑩白

如雪徑可三寸體薄開早氣香味甘萼黃開微辦紐則

萼亦不見辦如紙撚殘則淡紅葉青而稠亞淺枝幹勁

直扶疎高

可六七尺

一翕雪

一名勝瓊花碩大有寶色其辦茸茸然如雪花之六出葉似白西施而

長大幹枝

玉寶相

白多辦初蠟辦西施一名蜜西蠟辦

順直高大

玉寶相

白多辦初蠟辦西施一名蜜西蠟辦

然玉質其品甚高此外有紅蠟辦大蠟辦雖冒蠟辦之名而實不相似惟紫蠟辦花畧相似而枝葉又全不類

白疊羅

一名新羅菊一名疊雪羅一名玉梅一名白疊雪一名倭菊蓓蕾難開中暈青而微黃開微瑩

白如雪徑可三寸厚三之二其辦羅紋其殘粉紅葉青而稠大而仰其末團其亞深枝幹勁挺高僅三四尺

一團雪

一名白雪團一名簇香迷一名鬪婢娟花極白晶瑩辦如勺長而厚疎朗香清中萼黃開遲最

久徑可二寸殘時紫紅葉稀似艾白而青大而長尖而厚濶如掌亞最深葉極耐日深冬五色斑然如畫枝幹

勁直高可

玉玲瓏

一名玉連環蓓蕾初淡黃而微青漸作牙紅既開純白其瓣初仰而後覆

六七尺

葉青長而濶厚而大有稜角葉根淨秋

玉鈴

開以九月中純白千

有采色莖淡紅枝幹順直高可至丈

葉中有細鈴甚類大金鈴凡白花中如

白麝香

似麝香黃花差

玉毬新羅形態高雅而此花可與爭勝

小亦豐

蓮花菊

如小白蓮花多葉而無心花頭疎極

腴韻勝

瀟散清絕一枝只一葩綠葉甚纖巧

萬

鈴菊

中心淡黃飽子旁白花葉繞之花端極尖香尤清烈

月下白

一名玉兔華花青色白如月下

觀之徑僅二寸其形團其瓣細而厚葉青似水晶毬長而狹其背弓其亞淺其枝幹勁挺高可三四尺

水

晶毬

其花瑩白而嫩初開微青徑二寸許其瓣細而茸中微有黃萼初褊薄後乃暉泛葉稀而弓青而滑

肥而厚大而長亞淺根有冗芙蓉菊開就者如小木芙蓉

莖青枝幹挺勁高可七八尺芙蓉尤穠盛者如樓

子芍藥但難培象牙毬其花豐碩初開黃白色其後牙

粗多不能繁花莖亦青而劈破玉紋如線界之為二大笑菊白瓣黃

毛莖亦青九華同種其單層者為大笑花頭差小不及徘徊菊白

兩層者之大其葉類栗木葉亦名栗葉菊徘徊菊白

辨黃心色帶微綠辨有四層初開時先吐瓣三四片只

開就一邊未及其餘開至旬日方及周徧花頭乃見圓

圓按字書徘徊為不進此花之開亦若是矣其名不妄

十月初方開或有一枝花頭多者至攢聚五六顆近似

淮南玉樓春一名土粉西花初桃紅後蒼白徑可二寸

菊有半瓣厚而大莖而潤開疎爽葉青而毛

稀可數大如茄葉亞淺枝餘醪出相州開以九月末純

幹勁直如木高可六七尺餘醪白千葉自中至外長短

欽定四庫全書

御定廣羣芳譜

十二



相次花之大小正如醠醠而枝幹纖柔頗有態度若花葉稍圓加以檀蕊真醠醠也玉盆出滑州開以九

月末多葉黃心內深外淡而下有濶白大葉連綴承之有如盆盂中盛花狀世人相傳為玉盆菊者大率皆黃

心碎葉初不知其得名之繇後請于識者乃知物之見名于人者必有形似之實云波斯菊白千辨狀

同黃白西施一名白粉西一名白二色花初微紅其中波斯一名白粉西一名白二色花初微紅其中

寸許辨參差開早葉青而稠狹而尖其銀盆出西京開亞深葉枝多冗枝幹偃蹇高僅三四尺以九月中

花皆細鈴比夏秋萬鈴差疎而形色似之鈴葉之下別有雙紋白葉謂之銀盆者以其下葉正白故也此菊近

出未木香菊一名玉錢大過小錢白瓣淡黃心辨有三多見

繷枝白但此花頭舒展銀盤花頭或大或小不同想地稍平坦耳亦有黃色者

有肥瘠故也

# 鄧州白

九月末開單葉雙紋白葉中有細蕊出鈴萼中凡菊單葉如薔薇菊之類大率

花葉圓密相次而此花葉皆尖細相去稀疏疎然香比諸菊甚烈又為藥中所用蓋鄧州菊潭所出枝幹甚纖柔

葉端有支股而長亦不甚青

# 白菊

單葉白花蕊與鄧州白相類但花葉差潤相次圓密而枝葉麤繁人

多謂此為鄧州白今正之

# 金盞銀臺

一名銀臺一名萬鈴菊一名銀萬管花外單瓣或夾瓣薄而尖

白而莖中筒瓣初鵝黃後牙色徑可二寸殘則淡紅葉青而狹長而多尖其亞深葉根冗甚枝幹細偃蹇高可

五六尺

# 佛頂菊

一名瓊盆菊一名佛頂菊一名大餅子大過折二錢或如折三錢單層初秋先開白

瓣漸沁微紅突起淡黃心初如楊梅之肉蕾後皆舒為甯子狀如蜂窠末後突起甚高又且最大枝幹堅麤葉

亦麤厚一種每枝多直生上只一花少有旁出枝一種每一枝頭分為三四小枝各一花小白佛頂

心大突起似佛頂單瓣

# 淮南菊

一種白瓣黃心瓣有四層上層抱心帶微黃色下層點淡純白大不

及折二錢枝頭一簇六七花一種淡白瓣淡黃心顏色不相染惹瓣有四層一枝攢聚六七花其枝杪六花如

六面仗鼓相抵惟中央一花大于折三錢此則所產之地力有不同也大率此花自有三節不同初開花面微

帶黃色中節變白至十月開過見霜則變淡紫色且初開之瓣只見四層開至多日乃至六七層花頭亦加大

焉  
**茉莉菊** 花葉繁縟全似茉莉綠玉盤菊 黃心突起粉

# 薔薇

花似紫薔薇而粉紫色

# 玉甌菊

或云甌子菊即纏枝白菊也其開層數未及多者以其花瓣環

拱如甌盞之狀也至十月經霜則變紫色**白褒** 如一名銀褒如多瓣小花此

之粉者又次之白其尤勝者

# 銀杏菊

淡白時有微紅花葉尖綠葉全似銀杏葉**銀芍藥** 一

芙蓉菊一名樓子菊一名瓊芍藥一名太液蓮一名銀  
牡丹一名銀骨朶初似金芍藥後瑩白香甚殘色淡紅

葉亞深與白五九菊一名銀鈴菊一名夏玉鈴外瓣一  
金芍藥同層純白其中鈴萼淡黃徑僅如錢

夏秋二度開葉青長大而尖八仙菊花初青白色後粉  
亞深葉根有冗高僅二三尺色一花七八蕊葉

尖長蠟瓣粉西施一名粉西嬌一名西施嬌葉幹全類  
而青三蠟瓣似粉西施而差小瓣厚不瑩

白牡丹純白鷺鷥菊出嚴州花如茸毛純白色中  
白鷺鷥菊心有一叢簇起如鷺鷥頭蘸金白

一名蘸金香白千瓣瓊玲瓏白千瓣參碧蕊玲瓏白千  
瓣邊有黃色似蘸差齊

色深白絨毬花粉白餘白翦絨一名翦鵝毛一名  
綠類紫絨毬白翦絨翦鵝翎色雪白銀荔

枝大槩似碧桃菊其花純白葉與艾葉菊心小葉單綠  
金荔枝紫芍藥相似

艾  
**白鶴頂**

似鶴頂紅而色較白

**白鶴翎**

一名銀鶴翎一名銀雀舌一名玉雀舌花純白與粉

鶴翎同辦皆

**粉蝴蝶**

一名玉蝴蝶一名白蛺蝶千瓣小白花

**白蠟瓣**

一名玉齒

有哭下垂

**腦子菊**

花辦微皺縮如腦子狀

**樓子菊**

層層狀如樓子  
**單心**

**菊**

細花心辦大

**五月菊**

花心極大每一鬚皆中空攢成一區毬子紅白單葉繞承之每枝只一花

徑二寸葉似茼蒿夏中開近年

**殿秋白**

一名玉玫瑰花朵葉幹俱類殿

**秋寒菊**

大過小錢短白辦開多日其辦方增長明黃心乃攢聚碎葉突起頗高枝條柔細十月方開

以上

**狀元紫**

花似紫玉蓮而色深

**順聖淺紫**

出陳州鄧州九月中方開多葉

葉比諸菊最大一花不過六七葉而每葉疊凡三四重花葉空處間有筒葉輔之大率花枝幹類棗棠但色

紫花大爾菊中惟此最大而風流態度又為可貴獨恨色非黃白不得與諸菊爭先耳

**紫牡丹**

一名

紫西施一名山桃紅一名檀心紫花初開紅黃間雜如

錦後粉紫徑可三寸瓣比次而整齊開遲氣香葉綠而

澤長厚而尖其亞深葉根有

**碧江霞**

紫花青蒂蒂角突

冗枝幹肥壯高僅三四尺

奇異 **雙飛燕** 一名紫雙飛淡紫千瓣每花

**孩兒菊**

紫萼

茸茸然葉上有 **紫茉莉** 似梅花菊而紫花雖小而標格

光與它菊異

瀟灑氣味芬馥不可以常品目

之 **朝天紫**

一名順聖紫蓓蕾青碧花初深紫後淺紫氣

香

瓣初如兔耳後尖而覆翳鬆而整齊徑二

寸有半葉綠而稀尖亞細密如縷葉根

**翦霞綃**

紫多瓣

清淨枝幹細紫勁而直高可五六尺

**佛座蓮**

紫千瓣瓣頗大且開殿

踈而大其邊如繡

**瑞**

香紫

一名錦瑞香花淡紫如瑞香色徑寸許瓣疎尖而豎枝葉類金荔枝

紫絲桃

一名紫蘇桃一

名曉天霞蓓蕾青綠花茄色中暈濃而外暈稍淡瓣長而尖初如勺後平鋪瓣上有紋色更紫花徑二寸有半

厚稱之開徹鬚鬆明潤枝葉俱類紫玉蓮

墨菊

一名早紫花似紫霞觴而厚大色紫黑穠艷開於九日前

莖葉與紫袍金帶相似高可五六尺史譜云按宋嘉祐中有油紫英宗時有黑紫神宗時色加鮮赤目為順聖

紫皆紫之極非世俗點染之說也

夏萬鈴

出鄆州開以五月紫色細鈴生于雙紋大葉之上以時別

之者以有秋時紫花故也或以菊皆秋生花而疑此菊獨以夏盛按靈寶方曰菊花紫白又陶隱居云五月採

今此花紫色而開于夏時是其得時之正也夫何疑哉

秋萬鈴

出鄆州開以九月中千葉淺紫其中

細葉盡為五出鐸形而下有雙紋大葉承之諸菊如棣棠是其最大獨此菊與順聖過焉環美可愛荔枝

紫

出西京九月中開千葉紫花葉捲為筒大小相間凡

而此菊上下左右攢聚而生故俗以為荔枝者以其花

形正圓故也

紫褒如似粉褒如

賽西施

又名倚欄嬌淡紫

紫芍藥

一名

紅翦春花先紅後紫復淡紅變蒼白徑可三寸厚稱之

其瓣潤大而翳鬆開早氣香葉薄綠而澤稀而多尖其

枝幹順直高

可四五尺 繡球 出西京開以九月中千葉紫花葉尖

大率此花似荔枝菊花中無筒葉而萼

邊正平爾花形之大有若大金鈴菊者

紫鶴翎 一名紫

名紫雀舌花先

淡紫後粉白色

紫玉蓮

一名紫荷衣一名紫蠟瓣蓓蕾

寸瓣如勺終始上

豎葉全似朝天紫

瑪瑙盤

淡紫赤心千

紫薔薇 花畧小



蓮而紫羅繖

一名紫羅袍花似紫鶴翎小而厚色勻其瓣羅紋而細葉青大而稠根多冗枝幹勁

直高

紫繡毬

一名紫羅衫其花粉紫得養則如紫牡丹之色舊麗失養則青紅黃白夾雜而不勻

辦結不舒葉類錦繡毬綠而混厚而皺

紫剪絨

四剪絨俱小巧紫者其名獨振

金絲菊

紫花

黃心以水紅蓮

一名萵薹紅一名荷花毬一名粉牡丹一名紫粉蓮一名紫粉樓花粉紫初開

似紫牡丹其後漸淡如水紅花色徑二寸形圓瓣疎開早葉綠稀而可數濶大而厚皺而感似芡葉枝幹勁直

高可一文或以為太液蓮非

雞冠紫

一名紫鳳冠千瓣高大起樓取象于雞冠花非以雞之冠為比

也福州紫

紫多瓣以上紫色

狀元紅

花重紅徑可二寸厚半之瓣濶而短厚有紋具

末黃其紅耐久開早葉似貓腳跡綠而麗亞深葉根冗枝幹如鐵高僅三四尺

錦心繡口

一名楊妃

萬裾紅一名美人紅徑二寸許厚半之外大瓣一二層深桃紅中筒瓣突起初青而後黃筒之中嬌紅而外粉

筒之口金黃爛熳如錦香清開與報君知同葉綠而澤團而弓稀而可數其缺刻如捷業枝幹紅紫細勁順直

高可四紫袍金帶一名紫重樓又一名紫綬金章蓓蕾五尺有頂開稍遲初黑紅漸作鮮紅既開

彷彿亞腰葫蘆亞處無瓣黃蕊繞之其微也黃蕊不見攢簇成毬大如雞卵開極耐久葉綠而秀潤而長薄而

多尖葉根有冗莖淡紅大紅袍蓓蕾如泥金初開朱紅枝幹勁直高可三四尺大紅袍瓣尖細而長體厚徑可

二寸以上殘色木紅葉青澤厚而大亞深末團紫霞觴葉根清淨莖青枝幹肥壯順直高可四五尺

一名紫霞杯花似狀元紅厚而大開早初重紅稍開即木紅葉青潤而皺亞深葉根多冗枝幹挺勁高可四五

尺紅羅繖一名紫幢一名錦慶雲紅一名錦雲紅蓓蕾羅傘紫紅千瓣深桃紅開則紅黃

並作瑪瑙色中暈穠而外暈淡其瓣尖細而翦鬆徑二寸有半厚稱之葉青澤厚而長稍尖亞深莖青枝幹順

直高可海雲紅一名海東紅一名相袍紅一名將袍紅四五尺一名揚州紅一名舊朝服先殷紅漸作

金紅久則木紅而淡徑二寸有半其瓣初尖而後岐其萼黃其微也翦鬆其葉長而大青而多尖其亞深枝幹

壯大高可臙脂菊類桃花菊深紅淺紫比臙脂色尤重四五尺比年始有之此品既出桃花菊遂無

顏色蓋縷金妝一名金線菊深紅出爐金一名錦芙蓉奇品也千瓣中有黃線路

如爐金火煉金花徑僅寸許外尖瓣猩紅其中萼金黃出火朵垂其紅不變葉綠而澤稀而瓦長厚

而尖亞深枝幹勁木紅毬一名紅羅衫一名紅繡毬花直高可四五尺初開殷紅稍開即木紅徑可

二寸有半瓣下覆如毬心萼黃甚莖紫骨朵一名大紅葉枝幹頗類御袍黃高可五六尺繡毬一名

紅繡毬蓓蕾鮮紅頂如泥金開甚早先紅紫後紫紅徑可二寸有半厚二寸瓣明潤豐滿如榴子其徹也攢簇如毬葉類紫霞觴葉綠而小根

**醉楊妃**

一名醉瓊環其色深桃紅久而

不變其花疎爽而潤澤小徑近二寸以上厚半之其瓣尖而梗下覆如臍花繁而柄弱其英乃垂其葉青厚短

大而稠其尖多其亞淺葉根

**太真紅**

嬌紅樓子紅蕾

甚巨開早初深黑漸作鮮紅瓣垂而長光燄奪目既開徑二寸以上其萼如小錢初青後黃其中隱然有頂有

開數瓣上豎者莖葉如紫袍

**紅萬卷**一名紅組絲深紅金帶枝幹高大可至四五尺

**一捻紅**

花瓣上有紅點面

**紅翦絨**

初殷紅後木紅徑寸有半其形薄而瓦其

瓣末碎而茸攢簇如刺葉綠尖而小其亞淺其莖紅葉根清淨枝幹扶疎高可三四尺

**錦繡毬**

一名

錦羅衫蓓蕾如粟其花抱蒂其初殷紅既開鮮紅漸作紅黃色瓣濶而短葉似紫繡綉稀而大皺而尖葉根有

冗鶴頂紅一名不老紅花似晚香紅薄而小外暈粉紅中暈大紅開徹粉紅瓣下瓣大紅瓣上攢如

鶴頂葉青圓而小雞冠紅如雞冠猩猩紅花似狀元枝幹不甚高大

二寸開早色鮮紅耐久葉澤長而繡芙蓉一名赤心黃多尖莖青枝幹挺勁高可四五尺

初開赤紅既開中暈赤而外暈黃其瓣面黃而背紅徑二寸有半厚半之開早稜層整齊葉青澤而脆亞深葉

根冗甚枝幹偃蹇而錦荔枝多瓣紅牡丹後銀紅開最

久紅茉莉似梅花芙蓉菊狀如笑二色蓮一名賽紅荷

一名蠟瓣紅一名大紅蓮一名紅轉金一名錦蠟瓣花先黃紅後紅黃色其萼黃徑二寸許厚半之瓣如勺而

毛末微皺上簇如蓮萼黃而大萼中或突起數瓣葉綠長大而多尖其亞深葉根有冗幹勁挺高可四五尺

襄陽紅

並蒂雙頭出九江彭澤

賓州紅

一名岳州紅一名日輪紅重紅福薄如鏹徑二寸中

黃萼葉幹似紫霞觴

土硃紅

其色如土硃

紅二色

出西京開以九月末千葉叢有深淡紅兩

色而花葉之中間生筒葉大小相應方盛開時筒之大者裂為二三與花葉相雜比茸茸然花心與筒葉中有

青黃色頗與諸菊異

冬菊

花薄而小徑僅寸半色深紅質如蠟瓣澗而短間極遲葉疎青而澤初似銀芍

藥其後弓而厚長而尖亞深尖多莖紫枝幹順直扶疎高可五六尺以上紅色

桃花菊

劉蒙

泉云粉紅單葉中有黃蕊其色正類桃花俗以此名蓋以言其色爾花之形度雖不甚佳而開于諸菊未有之

前故人視此菊如木中之梅焉枝葉最繁密或有無花者史鑄云一名桃紅菊花瓣如桃花粉紅色一蕊凡十

三四片開時長短不齊經多日乃齊其心黃色內帶微  
綠此花嗅之無香惟撚破聞之方知有香至中秋便開  
開至十餘日漸變為白色或生青蟲食其花片則衰矣  
其綠葉甚細小范成大云多葉至四五重粉紅色濃淡  
在桃否紅梅之間未霜即開  
最為妍麗中秋後便可賞  
粉鶴翎一名粉紐絲一名  
舌一名荷花紅花粉紅大如芍藥瓣尖長而大背淡紅  
初開鮮濃既開四面支撐紫醵騰耀後漸白紐絲葉青  
而稀濶大如掌亞深葉根多冗  
垂絲粉紅出西京九月  
枝幹順直而扶疎高可七八尺  
如茸攢聚相次花下亦無托瓣枝幹纖弱其花淡紅似  
銀紐絲而瓣不紐其朵俱垂色態嬌艷與醉西施醉楊  
妃各不相涉或謂粉蠟瓣  
蓓蕾稀花微紅褪白質如蠟  
三名即一物非也  
香瓣初仰而後覆其殘如紅粉塗抹葉青長  
大而稀亞深葉根清淨枝幹順直高可一大  
粉西施名一

紅西施一名紅粉西一名粉西花豐碩似白西施初開紅黃相雜有寶色開徹則淡粉紅瓣卷而紐背慘而紅

如猱頭然柄弱不任葉青而厚長而瓦狹合蟬菊九月末開而尖亞深葉根多冗枝幹亦類白西施

粉紅筒瓣花形細者與蕊雜比方盛開時筒之灑金紅大者裂為兩翅如飛舞狀一枝之杪凡三四花

一名灑金香一名金錢豹淡紅粉團一名粉團花粉紅紅千瓣瓣間有黃色如灑

暈紅瓣短而多紋枝樓子粉西施一名晚香紅一名秋葉似金荔枝而青牡丹一名紅粉樓一

名車輪紅其花粉紅徑可三寸厚三之二其開也遲瓣圓而厚比次整齊中深紅突起上作重臺色易淡葉稠

青而毛狹而尖其亞深葉根冗甚醉西施英似醉楊妃枝幹亦與白西施同壯大過之

勝緋桃一名紅碧桃格局似碧桃色似秋粉褒如紅而海棠枝葉似紫芍藥而高大不及



小徑二寸有半瓣尖短厚而無紋葉綠而澤似狀元紅而尖其亞少葉根有冗枝幹偃蹇或遂以粉西施當之

非大楊妃一名楊妃菊一名瓊環菊粉紅千瓣散如亂茸而枝葉細小娟娟有態

賽楊妃

粉紅千瓣花畧小粉玲瓏一名紫丁香粉紅小花按沈譜玲瓏

知玲瓏者疏朗通透之物卷則書卷畫卷之類管則簫管筆管之類取象各不同有詠之連環絡索即玲瓏之

別號于命名之意八寶瑪瑙一名八寶菊千瓣粉紫芙蓉失不可不辨紅花花具紅黃衆色

蓉一名勝芙蓉一名芙蓉菊粉萬卷粉紅粉繡毬千瓣淡紅

花夏月佛頂菊五六月開佛見笑粉紅紅傳粉粉紅以

上粉紅色珠子菊白色見本草注云南京有一丹菊見嵇種開小花瓣下如小珠子含菊

銘云煌煌丹菊暮秋彌榮

**十樣錦**

一本開花形模各異或多瓣或單瓣或大或小或如金鈴往往有六

七色黃白雜樣亦有微紫花頭小

**滿天星**

一名蜂鈴菊春苗撮去其顛岐而又撮撮而又岐至秋而

一幹數千百朵

**二色西施**

一名紅二色一名黃二色一名二色一名平分秋色徑可三寸厚半之

開最久瓣葉枝幹皆與白西施同初開時數朵淡紅數朵淡黃迥然不類半開時五彩實色炫爛奪目開徹則

皆淡桃紅色矣

**二色楊妃**

一名二喬一名金菊對芙蓉多瓣淺紅淡黃二色雙出如金銀花徑僅二

寸其萼黃其瓣如兔耳其葉綠而不澤厚而尖皺而瓦

**赤金盤**

一名脂暈黃一名琥珀杯其花初開

紅黃而赤金星浮動其後漸作醬色徑可二寸形薄而瓦瓣如杓而尖葉稀綠而澤其末團枝幹紫紅順直而

扶疎高**錦丁香**

花畧似紅翦絨大寸許瓣疎初開黃而紅後紅而黃色易衰葉綠厚而短尖而

長檀香菊

一名小檀香葉幹似檀香迷花亦相似

梅花菊

一名試梅菊一名銀丁香一名

試梅妝一名壽陽妝一名銀梅每花不過數瓣瓣大如指頂每瓣卷皺密感下截深黃上截瑩白重臺彷彿水仙

花下垂成綫如梅花清逸開早香甚葉綠大而皺尖而長其亞深葉根多冗其枝幹柔細而扶疎高可一丈

或以為茉莉菊甚謬

海棠菊

一名錦菊一名海棠紅一名小桃紅一名鐵幹

紅色類垂絲海棠徑寸有半形薄而瓦瓣短多紋而尖愈開愈奇有寶色中暈赤外暈黃邊暈純白或數色錯

出變態不窮葉綠而澤厚而小亞蜜西施蜜色蜜鶴翎

深其枝幹勁直扶疎高可四五尺蜜色千瓣與金鶴翎埒以為蜜繡毬非是蜜繡毬一名金翅毬一名金鳳團

潤徑二寸餘氣香辨舒開遲其殘也紅而麗葉青而稠大而尖亞深葉根冗枝幹偃蹇高可四五尺紫絨

毬

一名紫絲毬一名紫蘇桃蓓蕾圓而綠如小龍眼大其開也碧綠紅紫黃白諸色間雜而紫皺為多瓣細

而鑲四面參差茸茸如翦徑僅寸許圓如毬葉類朝天紫小而青尖亞似少葉根清淨枝幹細直而勁高可四

五尺僧衣褐一名緇衣菊刺蝟菊一名栗葉花如兔毛朵

卵葉長而尖枝幹勁挺高增劉蒙泉菊譜銀臺萬銀

鈴葉有五出而下有雙紋白葉開之初疑與龍腦菊一

種但花形差大且不甚香耳俗謂龍腦菊為小銀臺蓋以相似故也枝幹纖柔葉青黃而麤范成大菊譜藤

菊花密條柔以長如藤蔓可編作屏障亦名棚菊種之坡上則垂下裛數尺如纓絡尤宜池潭之瀕

史正志菊譜密友花頭大過折三明黃濶片花瓣形色不在諸品之下初開時長短不齊開

極其盛乃齊至于六層其中如抽芽數條短短小心與  
瓣為一色狀如春間黃密友花窠枝低矮綠葉最繁密  
見霜則周圍綠葉變紫色

沈兢菊譜諸州及禁苑品類有櫃子菊

花小色黃香如櫃子

泰州黃

黃素馨

白素馨

感線菊

鐵

脚黃鈴

黑葉兒

團圓菊

柳條菊

枝亭菊

枝梗甚長

用杖子撐之即籬菊一大黃

碧蟬菊

青色

鉞兒菊

一種

紫梗

開早

晚

潛山

一種

青梗

開晚

朱新仲菊坡有玉盤盃

與金鈴菊相似

枇杷菊

葉似枇杷花似

金盞銀臺而極

大却不甚香

舒州有蜂兒菊

鵝黃色

水晶菊

花面甚大色

白而透明

潛江

有鋪茸菊

色綠其花甚大光

如茸二月間開

臨安有長沙菊

滿堂金

壽安真珠

俱黃色

孩兒白

婺州有銷金紫菊

紫瓣黃沿

銷

銀黃菊

黃瓣白沿

乾紅菊

花瓣乾紅四沿黃色即是

浙有

荷菊

日開一瓣開足成荷花形衆菊未開不開衆菊已謝不謝

金陵有松菊

枝葉勁細如松

其花如碎金層出于密葉之上

史鑄越中菊譜凌風菊

黃色見山谷詩

柑子

菊

黃色見后山詩

楊妃裙

黃色見徐仲車詩

蠟梅菊

見聞人善言菊卿公暇集

周

師厚洛陽菊譜紫幹子

五色菊

黃簇菊

柿葉菊

青心菊

葉紅菊

黃窠廷子

探白子

紅香菊

釵頭菊

川金菊

深色彩單葉

川翦金

按原譜雜採劉范沈史諸譜以色分類問

有遺逸續  
錄于此

彙考原禮記月令季秋之月鞠有黃華 唐書李適傳

凡天子饗會遊豫惟宰相及學士得從秋登慈恩寺浮  
圖獻菊花酒稱壽 增山海經女儿之山其草多菊

原列仙傳文賓取姬數十年輒棄之後姬老年九十餘  
復見賓年更壯拜泣至正月朝會鄉亭西社中賓教令  
服菊花地膚桑上寄生松子以益氣姬亦更壯復百餘  
歲 西京雜記戚夫人侍兒賈佩蘭後出為扶風人段

儒妻說在宮時九月九日佩茱萸食蓬餌飲菊花酒令  
人長壽菊華舒時并採莖葉雜黍米釀之至來年九月  
九日始熟就飲焉故謂之菊花酒 神仙傳康風子服  
甘菊花桐實後得仙 神鏡記滎陽郡西有靈源山巖  
有紫菊 荊州記縣北八里有菊水其源旁悉芳菊水  
極甘馨又中有三十家不復穿井即飲此水上壽百二  
十三十中壽百餘七十者猶以為天漢司空王暢太傅  
袁隗為南陽縣令月送三十餘石飲食澡浴悉用之太



尉胡廣久患風羸恒汲飲此水疾遂瘳此菊莖短葩大  
食之甘美異於餘菊廣又收其實種之京師遂處處傳  
植之風土記日精治牆皆菊之花莖別名也生依水  
邊其花煌煌霜降之節惟此草盛茂九月律中無射俗  
尚九日候時之草也增拾遺記背明國有紫菊謂之  
日精一莖一蔓延及數畝味甘食者至老不饑渴原  
續晉陽秋陶潛九月九日無酒坐宅邊菊叢中採摘盈  
把望見白衣人至乃王弘送酒即便就酌續齊諧記

汝南桓景從費長房遊學長房謂之曰九月九日汝南  
當有大災厄急令家人縫絳囊盛茱萸繫臂上登山飲  
菊花酒此禍可消景從其言舉家登山夕還雞犬俱暴  
死長房聞之曰此可代也 名山記朱孺子吳末入玉

笥山服菊花乘雲升天

增歲華紀麗露凝白玉菊散

黃金註秋日詩露凝千片玉菊散一叢金又云菊散金

風起荷疎玉露圓

原輦下歲時記九月宮掖間爭插

菊花民俗尤甚

增清異錄懿宗賞花歌云長生白久

視黃共拜金剛不壞王 原九域志鄧州南陽郡土貢

白菊三十斤 越州圖經菊山在蕭山縣西三里多甘

菊 歲時雜記盧公範重陽日上五色糕菊花枝茱萸

樹茱萸為辟邪翁菊花為延壽客故九日假此二物以

消陽九之厄 東坡雜記菊黃中之色香味和正花葉

根實皆長生藥也北方隨秋之早晚大畧至菊有黃華

乃開獨嶺南不然至冬乃盛發嶺南地暖百卉造作無

時而菊獨後開考其理菊性介烈不與百卉並盛衰須

霜降乃發而嶺南常以冬至微霜故也其天姿高潔如

此宜其通仙靈也 增東坡雜記夏小正以物為節如

王瓜苦菜之類驗之畧不差而菊有黃華尤不失毫釐

近時都下菊品至多皆人以他草接成不復與時節相

應始八月盡十月菊不絕於市亦可怪也 李彥平雜

錄韓魏公在北門有詩云不羞老圃秋容淡且看黃花

晚節香識者知其晚節之高 原東京夢華錄重九都

下賞菊菊有數種有黃白色蕊若房曰萬鈴菊粉紅色

曰桃紅菊白而檀心曰木香菊黃色而圓曰金鈴菊純  
白而大曰喜容菊無處無之酒家皆以菊花縛成洞戶  
牧豎閒談蜀人多種菊以苗可入菜花可入藥園圃  
悉植之郊野人多採野菊供藥肆頗有大悞真菊延齡  
野菊瀉人 遜齋閒覽南方花較北地常先一月獨菊  
花開最遲菊性宜冷也東坡嘗言嶺南氣候不常吾謂  
菊花開時即重陽故在海南藝菊九畹後至冬半始開  
迺以十一月望日與客泛酒作重九會云 增西溪叢

語楚辭云夕餐秋菊之落英王逸云英華也類篇云英  
草榮而無實者後漢馮衍賦云食玉芝之茂英言英華  
之英洪興祖補註楚辭云秋花無自落者讀如我落其  
實而取其材之落此言為是今秋花亦有落者但菊蕊  
不落耳若云黃菊飄零滿地金即詩用楚辭之句且宋  
書符瑞志沈約云英葉也言食秋菊之葉據神農本草  
菊服之輕身耐老三月採葉玉函方王子喬變白增年  
方甘菊三月上寅採名曰玉英是英謂之葉晉許詢詩

云青松凝素體秋菊落芳英 老學庵筆記菊花色雖

多種黃者為正月令他卉皆曰始華於菊獨曰菊有黃  
花正其驗矣種法有九要一曰養胎二曰傳種三曰扶  
植四曰修葺五曰培護六曰幻弄七曰土宜八曰澆灌  
九曰除害能如此法便堪為松菊主人不減淵明矣

三餘贅筆曾端伯以菊花為佳友張敏叔以菊為壽客  
花經菊四品六命 乾淳歲時記都人九月九日飲

新酒泛萸簪菊且以菊糕為餽 吳興園林記趙氏菊

坡園前面大溪為循堤畫橋蓉柳夾岸數百株中島植

菊至百種為菊坡 原沈競菊譜臨安西馬城園每歲

至重陽謂之鬪花各出奇異有八十餘種 東平府有

溪堂為郡人遊賞之地溪流石崖間至秋州人泛舟溪

中採石崖之菊以飲每歲必得一二種新異花 增澄

懷錄終南五老洞碑記墨菊其色如墨古用其汁以書

字 原學圃餘疏菊至江陰上海吾州而變態極矣有

長丈許者有大如盃者有作異色二色者而皆名麤種



其最貴乃各色翦絨各色幢各色西施各色狼牙乃謂之細種種之最難須得地得人燥濕以時蟲蠹日去花須少而大葉須密而鮮不爾便非上乘元馭閣老尤愛種菊京師有一種大紅曰麻葉紅相袍紅元馭為翰林時特命囊之馬首歸今吾地尚有此種然開不能大佳想亦地氣使然菊中有黃白報君知最先開甘菊可作湯寒菊可入冬皆賤種也而皆不可廢又有一種五六月開亦異種也 增懸筭瑣探范文穆公至能作菊譜

言月令以動植志氣候如桃桐輩直云始華而菊獨云  
菊有黃華豈以其正色獨立不伍衆草變詞而言之歟  
予始甚疑之信如譜中所載其色已不勝其多而月令  
獨云菊有黃華何也及來河南行熊耳錦屏弘農嶠函  
諸山正秋草木俱衰謝盡山上下暨水厓籬落皆黃菊  
大如錢叢生粲然乃悟河南為中州得風氣之正黃為  
正色而正秋時著花隨地皆有此月令紀候所以獨言  
之也然則如譜中所載諸品得無人智力變幻所致歟

則其見述於月令宜矣 餅花譜各色細葉菊一品九

命 瓶史浴菊宜好古而奇者 菊以黃白山茶秋海

棠為婢 原梧潯雜佩陸公平泉初入史館偶與同館

諸公以事謁分宜衆皆競前呈身遂至喧擠公獨逡巡

却步時分宜庭中盛陳盆菊公徐謂曰諸君且從容莫

擠壞陶淵明也聞者心媿 花史王龜齡十朋取莊園

卉目為十八香以菊為冷香 吳致堯九疑考古云春

陵舊無菊自元次山始植沈譜云次山作菊圃記云在

藥品為良藥為蔬菜是佳蔬 本草與千金方皆言菊

花有子魏鍾會菊花賦有方實離離之言馬伯州菊譜  
有金箭頭菊花長而末銳枝葉可茹最愈頭風謂之風  
藥菊冬收而春種之據此二說則菊之為花果有結子

者 陶隱居與臧器皆言白菊療疾有功本草圖經言  
今服餌家多用白者抱朴子有言丹法用白菊汁 紫  
菊之名見于孫真人種花法又見于諸譜中此品傳植  
已久故唐宋詩人稱述亦多蕭穎士菊榮篇紫英黃萼


照耀丹墀杜荀鶴詩雨勻紫菊蓂蓂色趙嘏詩紫艷半  
開籬菊靜夏英公詩落盡西風紫菊花韓忠獻公詩紫  
菊披香碎曉霞則紫花定是佳品 屈原離騷經朝飲  
木蘭之墜露兮夕餐秋菊之落英王逸註云言上飲香  
木之墜露吸正陽之精液暮食芳菊之落華吞正陰之  
精蕊

御定佩文齋廣羣芳譜卷四十八

謹案卷四十八第七頁後五行自內至外刊本至  
訛自今改

第十五頁前三行高僅三四尺刊本僅訛經今改





總校官庶吉士臣侍朝

校對官編修臣王福清

膳錄監生臣王世臣



欽定四庫全書薈要

子部

御定廣羣芳譜卷

四十九  
五十

詳校官主事臣陳木

欽定四庫全書薈要卷一萬六百十二

子部

御定佩文齋廣羣芳譜卷四十九

花譜

菊花二

集序增唐駱賓王冒雨尋菊序白帝徂秋黃金勝友

辭塵成契冒雨相邀問涼燠則鴻鴈在天叙交遊則芝  
蘭滿室砌花舒菊還同載酒之園岸葉低松直泛維舟  
之浦參差遠岫斷雲將野鶴俱飛滴瀝空庭竹響共雨

聲相亂抑折巾於書閣行閱飄颻揖雅步於琴臺坐聞  
流水字中蚪蚪競落文河筆下蛟龍爭投學海珠簾映  
水風生曳露之濤錦石封泥苔濕印龜之岸泛蘭英於  
戶牖座接雞談下木葉於中池厨烹野鴈墜白花於濕  
桂落紫蒂於疎藤雖物序足悲而人風可愛留姓名於  
金谷不謝季倫混心跡於玉山無慚叔夜云爾 原宋  
劉蒙泉菊譜序草木之有花浮冶而易壞凡天下輕脆  
難久之物皆以花比之宜非正人達士之所好然予觀

屈原之為文香草龍鳳以比忠正而菊與茵桂荃蕙蘭  
芷同為所取松者天下堅正之木也陶淵明乃以松配  
菊連語而稱之夫屈原淵明實皆正人達士其於菊貴  
重之如此是菊雖以花為名固與浮冶易壞之物不可  
同年而語也且菊固有異於物者凡花皆以春盛而實  
皆以秋成菊獨以秋花悅茂於風霜搖落之時此其得  
時者異也有葉者花未必可食而康風子乃以食菊仙  
此其花異也花可食者根葉未必可食而陸龜蒙云春

苗恣肥得以採擷供左右杯案又本草云以正月取根此其根葉異也夫以一草之微自本至末有功於人如此加以色香態度纖妙閑雅可為丘壑燕靜之娛然則古人取以比德而配以歲寒之松夫豈徒然而已哉洛陽風俗大抵好花菊品比他州為盛劉原孫伯紹者隱居伊洛廣植諸菊朝夕嘯詠其側蓋已有意譜之而未暇也崇寧甲申九月余為龍門之遊得至君居顧而樂之相與訂論因隨其名品論序於左以列諸譜之次

史正志菊譜前序菊草屬也以黃為正所以概稱黃花  
漢俗九日飲菊酒以祓除不祥蓋九月律中無射而數  
九俗尚九日而用時之草也南陽酈縣有菊潭飲其水  
者皆壽神仙傳有康生服其花而成仙菊有黃花北方  
用以準節令大畧黃花開時節候不差江南地暖百卉  
造作無時而菊獨不然考其理菊性介烈高潔不與百  
卉同其盛衰必待霜降草木黃落而花始開嶺南冬至  
始有微霜故也本草一名日精一名周盈一名傳延年

所宜貴者菊苗可以採花可以藥囊可以枕釀可以飲  
所以高人隱士籬落畦圃之間不可一日無此花也陶  
淵明植於三徑采於東籬裛露掇英汎以忘憂鍾會賦  
以五美謂圓華高懸準天極也純黃不雜后土色也早  
植晚發君子德也冒霜吐穎象勁直也杯中體輕神仙  
食也其為所重如此然品類有數十種而白菊一二年  
多有變黃者余在三水植白菊百餘株次年盡變為黃  
花今以色之黃白及雜色品類可見於吳門者二十有

七種大小顏色殊異而不同自昔好事者為牡丹芍藥  
海棠竹筍作譜記者多矣獨菊花未有為之譜者殆亦  
菊花之闕文也余始以所見為之若夫耳目之未接品  
類之未備更俟博雅君子與我同志者續之 增史正  
志菊譜後序菊之開也既黃白淺深之不同而花有落  
者有不落者蓋花瓣結密者不落盛開之後淺黃者轉  
白而白色者漸轉紅枯於枝上花瓣扶疎者多落盛開  
之後漸覺離披遇風雨撼之則飄散滿地矣王介甫武



夷詩云黃昏風雨打園林殘菊飄零滿地金歐陽永叔  
見之戲介甫曰秋花不比春花落為報詩人子細吟介  
甫聞之笑曰歐陽九不學之過也豈不見楚辭云夕餐  
秋菊之落英東坡歐公門人也其詩亦有欲伴騷人賦  
落英與夫却繞東籬嗅落英亦用楚辭語耳王彥賓言  
古人之言有不必要盡循者如楚辭言秋菊落英之語余  
謂詩人所以多識草木之名蓋為是也歐王二公文章  
擅一世而左右佩紉彼此相笑豈非於草木之名猶有

未盡識之而不知有落有不落者耶王彥賓之徒又從而為之贅疣蓋益遠矣若夫可餐者乃菊之初開芳馨可愛耳若夫衰謝而後落豈復有可餐之味楚辭之過乃在於此或云詩之訪落落訓始也意落英之落蓋謂始開之花耳然則介甫之引證殆亦未之思歟或者之說不為無據余學為老圃而頗識草木者因併書於菊譜之後 范成大范村菊譜序山林好事者或以菊比君子其說以為歲華晚晚草木變衰乃獨曄然秀發傲

晚風露此幽人逸士之操雖寂寥荒寒而味道之腴不改其樂者也神農書以菊為養生上藥能輕身延年南陽人飲其潭水皆壽百歲使夫人者有為於當世醫國惠民亦猶是而已菊於君子之道誠有臭味哉月令以動植志氣候如桃桐華直云始華至菊獨曰菊有黃華豈以正色獨立不伍衆草變詞而言之歟故名勝之士未有不愛菊者至淵明尤甚愛之而菊名益重又其花時秋暑始退歲事既登天氣高明人情舒閒騷人飲流

亦以菊為時花移檻列斛輦致觴詠間謂之重九節物  
此非深知菊者要亦不可謂不愛菊也愛者既多種者  
日廣吳下老圃伺春苗尺許時掇去其顛數日則岐出  
兩枝又掇之每掇益岐至秋則一幹所出數千百朵婆  
娑團植如車蓋熏籠矣人力勤土又膏沃花亦為之屢  
變頃見東陽人家菊園多至七十種淳熙丙午范村所  
植止得三十六種悉為譜之明年將益訪求他品為後  
譜云

書增魏文帝與鍾繇九日送菊書歲往月來忽逢九月  
九日九為陽數而日月並應俗嘉其名以為宜於長久  
故以享宴高會是月律中無射言羣木百草無有射地  
而生惟芳菊紛然獨榮非夫含乾坤之純和體芬芳之  
淑氣孰能如此故屈平悲冉冉之將老思餐秋菊之落  
英輔體延年莫斯之貴謹奉一束以助彭祖之術

傳原元楊維禎黃華傳先生姓黃字華其先有日精者  
初生筮之繇曰曄曄煌煌綠衣黃裳德與坤協數用九

彰九九相仍俾爾壽昌佐用炎皇啟於兌方世為中黃  
夫中五數也寄旺四時九九重陽數也兌秋方也雖寄  
旺四時而盛必於秋乎陶氏旺春劉氏旺夏陶劉氏謝  
而中黃氏其昌乎後日精以養生術佐農皇氏壽登一  
百二十餘歲嘉其功封之雍州之土為壽鄉公賜姓中  
黃氏後有治牆者注姬公旦爾雅旦上其名綴衣薦服  
於帝帝服之喜特賜御愛黃至孫英其祚始落三湘與  
屈原同夕餐英子為華西入秦遇陽翟大賈銜金爭價

咸陽市華文脩五色名次月令至今夏小正以華之善  
記節名為節華後入漢以服餌法干上出入宮禁后妃  
侍兒咸與之飲酒乞其祝辭曰長壽長壽宣帝時華以  
外國肥甘進上嘗之喜曰金盞銀杓真神仙食也吾不  
能效武帝食露盤矣華嘗以氣岸高自標置曰予園冠  
準天純色準地當贊天地開八荒壽域黃中通理獨暢  
四支非予前聞人佐農皇志也時陽九厄矣遂入平蓋  
山鍊九華大藥時時與好事者出沽酒市中見者咸呼

為九華先生彭澤令陶潛方棄官柴桑聞先生名特延  
致之後徙宅東潛不敢名惟以九華呼之潛當九月九  
日無酒與先生口講服餌法語之曰南山朝來致有佳  
氣耳少時江州刺史王弘送酒至潛以酒讓先生飲先  
生憇曰吾得拍浮此足矣潛平日交惟兩人先生與五  
鬣大夫也五鬣在先生上先生戲與五鬣較短長曰汝  
雖長遭斧創我雖短升中堂又以其能相殿最曰吾茹  
能使饑人辟糧汝能乎曰能吾飲能使癯殘人康寧壽



考汝能乎曰能曰吾一出能使時王知正氣一灰迹能使諸蠹族吞其譟而不聲汝能乎曰不能矣曰不能何以上吾也五鬣亦曰吾一出能棟天子明堂一灰迹能染歷代之文章子能乎曰不能也曰此吾所以上子也潛聞而笑曰九華既失五鬣亦未為得也二三子黜德滅巧將太上從太上無名功故無窮於是二人者相與持酒懽甚潛頽然醉醉則遣客而二人者侍門下至蒙霜露不去先自譜其族凡一百六十三黜其冒姓名者

曰滴金馬蘭童萬錢覆等凡六種題曰九華壽譜藏於家云

題跋增宋劉克莊題建陽馬君菊譜菊之名著於周官詠於詩騷植物中可方蘭桂人中惟靈均淵明似之後漢胡廣貴壽偶然耳乃托菊水以自神糞土之評萬古不磨嗚呼非廣之辱菊之辱也至忠獻韓公始有晚香之句膾炙人口近時番禺崔公辭相印不拜自號菊坡俱為本朝佳話嗚呼非二公之榮菊之榮也建陽馬君

譜菊得百種各為之詠其嗜好清絕可喜亦幸君未為  
人爵所縻林下趣專獲與菊相周旋如此未知君他日  
官達將為伯始乎抑為韓為崔乎將以榮是菊乎抑以  
辱是菊乎君其謹之勿使菊有遺憾 明李東陽周原

已席上題十月賞菊卷東籬掃徑慨花事之將闌西社  
傳書念瓜期之未晚百年易過九日重遭惟菊為隱逸  
之稱而冬乃閑藏之令挺孤芳於獨茂脫衆屣於羣紛  
視蒲柳之望誰先比松柏之凋尤後神農嘗藥著靈品

於方書屈子餐英播遺芬於辭苑物非遠取類實羣分  
闢地成田八世守柴桑之業揮毫作賦一鄉傳甫里之  
風君惟有之是以似之我則知者不如樂者敢將幽意  
用託微馨懷彼隰之皇皇詠初筵之秩秩貯之以數仞  
之華屋得其所哉佩之以五色之錦囊永為好也念菲  
葑之無下愧糠粃之在前未揭齋眉先題簡首

雜著原宋劉蒙泉定品或問菊奚先曰色與香而後態  
色奚先曰黃者中之色土王季月而菊以九月花金土

之應相生而相得者也其次莫若白西方金氣之應菊以秋開則其氣鍾焉陳藏器云白菊生平澤花紫者白之變紅者紫之變也此紫所以為白之次而紅所以為紫之次云有色矣而又有香有香矣而復有態是花之尤者也或曰花以艷媚為悅而子以態為後歟曰吾嘗聞於古人矣妍卉繁花為小人松竹蘭菊為君子安有君子而以態為悅乎至於具香與色而又有態是君子而有威儀者也菊有名龍腦者具色與香而態不足者

也菊有名都勝者具態與色而香不足者也菊之黃者  
未必皆勝而置於前者重其色也菊之白者未必皆劣  
而列於中者次其色也雜羅香毬玉鈴之類則以瓌異  
而升焉至於順聖楊妃之類轉紅受色不正故雖有芬  
香態度不得與諸花爭也然余獨以龍腦為諸花之冠  
是故君子貴其質焉後之視此譜者觸類而求之則意  
可見矣 說疑或謂菊與薏有兩種而陶隱居日華子  
所記皆無千葉花疑今譜中或有非菊者然余嘗讀隱

居之說謂莖紫色青作蒿艾氣為苦薏今余所記菊中雖有莖青者然而氣香味甘枝葉纖少或有味苦者而紫色細莖亦無蒿艾之氣又今人間相傳為菊其已久矣故未能輕取舊說而棄之也凡植物之見取於人者栽培灌溉不失其宜則枝葉華實無不猥大至其氣之所聚乃有連理合穎雙葉並蒂之瑞而況於花有變而千葉者乎曰華子曰花大者為甘菊花小而苦者為野菊若種園圃肥沃之處復同一體是小可變為甘也如

是則單葉變為千葉亦有之矣牡丹芍藥皆為藥中所  
用隱居等但記花之紅白亦不云有千葉者今二花生  
於山野類皆單葉小花至於園圃肥沃之地栽鋤糞養  
皆為千葉大花變態百出奚獨至於菊而疑之 杜甫

秋雨嘆曰雨中百草秋爛死堦下決明顏色鮮著葉滿  
枝翠羽蓋花開無數黃金錢說者以為即本草決明子  
此物乃七月作花形如白匾豆葉極稀疎焉有翠羽蓋  
與黃金錢也彼蓋不知甘菊一名石決為其明目去翳



與石決明同功故吳越間呼為石決子美所嘆正此花耳而杜趙二公妄引本草以為決明子疎矣

銘增晉王淑之蘭菊銘蘭既春敷菊又秋榮芳薰百草色艷羣英孰是芳質在幽愈馨 嵇含菊花銘煌煌丹

菊暮秋彌榮歲蕤圓秀翠葉紫莖詵詵神仙徒餐落英頌原晉成公綏菊頌先民有作詠茲秋菊綠葉黃華非菲或或芳踰蘭蕙茂過松柏其莖可玩其葩可服味之不已喬松等福 傅統妻莘氏菊花頌英英麗草稟氣

靈和春茂翠葉秋曜金華布濩高原蔓衍陵阿揚芳吐  
馥載芬載葩爰採爰拾投之醇酒御於王公以介眉壽  
服之延年佩之黃耆文園賓客乃用不朽

贊增晉郭璞菊贊菊名曰精布華玄月仙客薄采何憂  
華髮

賦

御製菊賦當金飈之蕭撼正珠露之飄零睹百卉之具腓感  
苑枯之遞更疇晚序而挺節矯氣化而敷榮爰有紫蒂含

芳黃華逞茂擢茗穎於春初曜丰容於霜後先梅萼而吐  
芬繼蘭叢而擅秀既勁操之彌堅實寒香之可嗅爾其密  
葉蒙茸繁英歷瑤霞蔚雲蒸煙披雨沐色徵土德之純氣  
稟金行之肅舞燈影而紛披傍籬根而芳馥似幽人之相  
依豈世情之共逐是以丘園逸叟山澤癯儒植而供玩擷  
以當蔬存真味於淡泊協潛德以敷腴亦有餐霞御氣乘  
雲握符盤飮桐杞囊繫茱萸或年壽之永延或災患之潛  
祛斯其著效於仙靈之錄尤不可以耳目拘也至若賦餐

英於楚客傳送酒於晉賢泛甘馨於南郡準節令於渾天  
罔不貞操卓爾高韻悠然宜名流之競羨亦譜籍之長編  
矧茲北闕秋深西山氣爽餘柏葉之參差剝楓林之莽蒼  
蝶揚揚而媚秋鴈嚙嚙而流響寒漠漠而侵階月溶溶而  
度幌爾乃橫逸態以寡儔吐層蘊而直上種類間錯名品  
紛羅映小山之叢桂覆潭水之澄波低昂兮如紫衣之垂  
袖璀璨兮如白貝之編珂稟黃中之通理知中美之孔多  
蓋與松筠而共勁亦視桃李而殊科彼夫揚霜傑於詩人

誇日精於本草藉滋培於寒雨綻鮮華於清曉咸以孤潔  
方幽人之貞高逸擬君子之道苟其歷歲寒而長存何恨  
乎挺生之不早

增魏鍾會菊花賦何秋菊之可奇兮獨華茂乎凝霜挺  
歲蕤於蒼春兮表壯觀乎金商延蔓蓊鬱緣阪被岡縹  
榦綠葉青柯紅芒芳實離離暉藻煌煌微風扇動照曜  
垂光於是季秋九月九日數并置酒華堂高會娛情百  
卉彫瘁芳菊始榮紛葩韡曄或黃或青乃有毛嫱西施

荆姬秦嬴妍姿妖艷一顧傾城擢纖纖之素手雪皓腕  
而露形仰撫雲髻俯弄芳榮 晉孫楚菊花賦彼芳菊  
之為草兮稟自然之醇精當青春而潛翳兮迄素秋而  
敷榮於是和樂公子雍容無為翱翔華林駿足交馳薄  
言采之手折纖枝飛金英以浮旨酒拂翠葉以振羽儀  
偉茲物之珍麗兮超庶類而神奇 潘岳秋菊賦垂采  
煒於芙蓉流芳越乎蘭林遊女望榮而巧笑鸛雛遙集  
而弄音若乃真人採其實王母接其葩或克虛而養氣

或增妖而揚蛾既延期以永壽又蠲疾而弭疴 齊卞  
伯玉菊賦佇寒丘以彌望覲中霜之嫩菊肇三春而懷  
芬凌九秋以愈馥不履苦而淪操不在同而表淑傷衆  
花之飄落嘉茲卉之能靈振勁翮以揚綠含凝露而吐  
英 唐楊炯庭菊賦庭菊美貞芳也天子幸於東都皇  
儲監守於武德之殿以門下內省為左春坊今庶子裴  
公所居即黃門侍郎之廳事也其庭有菊焉中令薛公  
昔拜瑣闥此焉遊處今兼左庶子止於東廳薨宇連接

洞門相向每罷朝之後未嘗不游於斯詠於斯覽叢菊  
於斯歎其君子之德命學士為之賦是日也薛愷以親  
賢為洗馬田巖以幽貞為學士高元思張師德以至孝  
托後車顏強學沈尊行以博聞兼侍讀周琮李憲王祖  
英曹叔文以儒術進崔融徐彥伯劉知柔石抱忠以文  
章顯德行則許子豐耆舊則權無二駱縝則古訓之前  
識張相則老莊之後英並承高命咸窮體物小子託於  
吹竽之末敢闕其辭哉遂作賦云日之貞矣於彼重陽



菊之榮矣於彼華坊含天地之精氣吸日月之淳光雲  
布霧合翼舒翼張鬱兮蔓衍郁兮芬芳珉枝金萼翠葉  
紅芒其在夕也言庭燎之皙皙其向晨也謂明星之煌  
煌爾其萬里年華九州春色花的爍兮如錦草綿連兮  
似織當此時也和其光同其塵應春光而早殖及夫秋  
星下照金氣上騰風蕭蕭兮瑟瑟霜刺刺兮稜稜當此  
時也弱其志强其骨獨歲寒而晚登雨還風去天長地  
久純黃象於后土故採桑而菊衣輕體御於神仙故登

山而菊酒文賓採之而羽化康公服之而不朽東極於  
是長存南陽以之眉壽胡太尉之允誠光輔漢庭萬機  
理三階平及暮年華髮垂肩秋菊長英蠲邪滌瘵於焉  
永貞鍾太尉之聲實彝倫魏室道合鹽梅功成輔弼降  
文屋之命修彭祖之術保性和神此焉終吉君章請老  
歲久懸車秋風生兮北園夕白露濕兮前階虛佇閑庭  
之曠邈對涼菊之扶疎人生行樂孰知其餘淵明解印  
退歸田野山鬱律兮萬里天蒼莽兮四下憑南軒以長

嘯出東籬而盈把歸去來兮夫何為者若夫窈窕重闥  
亘青瑣兮接皇扉深沉大壯通肅成兮連博望乃有鬻  
鄉貴族薛縣名家共汾河之鼎氣同庶子之春華朝遊  
夕處徘徊顧慕難搖落於三秋偉貞芳於十步伊纖莖  
之菲薄荷君子之恩遇不羨池水之芙蓉願比瑤山之  
桂樹歲如何其歲已秋叢菊芳兮庭之幽君子至止悵  
容與而淹留歲如何其歲將逝叢菊芳兮庭之際君子  
至止聊從容以卒歲 原陸龜蒙杞菊賦天隨生宅荒

少墻屋多隙地著圖書所前後皆樹以杞菊春苗恣肥  
得以採擷供左右杯案及夏五月枝葉老硬氣味苦澀  
旦暮猶責兒童輩掇拾不已人或歎曰千乘之邑非無  
好事之家日欲擊鮮為具以飽君者多矣君獨閉關不  
出率空腸貯古聖賢道德言語何自苦如此生笑曰我  
幾年來忍饑誦經豈不知屠沽兒有酒食耶退而作杞  
菊賦以自廣云惟杞惟菊偕寒互綠或穎或茗煙披雨  
沐我衣敗綈我飯脫粟羞慚齒牙苟且梁肉蔓延駢羅

其生實多爾杞未棘爾菊未莎其如予何其如予何

增宋蘇軾後杞菊賦并序天隨生自言常食杞菊及夏  
五月枝葉老硬氣味苦澀猶食不已因作賦以自廣始  
余嘗疑之以為士不遇窮約可也至於饑餓嚼嚙草木  
則過矣而余仕宦十有九年家日益貧衣食之奉殆不  
如昔者及移守膠西意且一飽而齋厨索然不堪其憂  
日與通守劉君廷式循古城廢圃求杞菊食之捫腹而  
笑然後知天隨之言可信不謬作後杞菊賦以自嘲且

解之云吁嗟先生誰使汝坐堂上稱太守前賓客之造  
請後掾屬之趨走朝衙達午夕坐過酉曾杯酒之不設  
攬草木以誑口對案殮威舉箸噎嘔昔陰將軍設麥飯  
與蔥葉井丹推去而不歟怪先生之眷眷豈故山之無  
有先生听然而笑曰人生一世如屈伸肘何者為貧何  
者為富何者為美何者為陋或糠覈而瓠肥或梁肉而  
墨瘦何侯方丈庾郎三九較豐約於夢寐卒同歸於一  
朽吾方以杞為糧以菊為糗春食苗夏食葉秋食花實

而冬食根庶幾乎西河南陽之壽 張栻續杞菊賦張

子為江陵之數月時方中春草木敷榮經行郡圃意有  
所欣非花柳之是問眷杞菊之青青爰命采掇付之庖  
人汲清泉以細烹屏五味而不親甘脆可口蔚其芬馨  
蓋日為之加飯而他物幾不足以前陳飯已捫腹得意  
嘔吟客有問者曰異哉先生之嗜此也乎蘇公之在膠  
西值黨禁之方興歎齋厨之蕭條乃覽乎草木之英今  
先生當無事之時據方伯之位校吏奔走頤指如意廣

厦延賓毬場享士清酒百壺鼎臠俎載宰夫奏刀各獻  
其技顧無求而弗獲雖醉飽其何忌而乃樂從夫野人  
之餐豈亦下取乎葑菲不然得無近於矯激有同於脫  
粟布被者乎張子應之曰天壤之間孰為正味厚或腊  
毒淡乃其至猩唇豹胎旋取詭異山鮮海錯紛糾莫計  
苟滋味之或偏在六府而成贅極口腹之欲初何出於  
一美惟杞與菊中和所萃謂勁不苦滑甘靡滯非若他  
蔬善嘔走水既瞭目而安神復沃煩而滌穢驗南陽於



西河又頽齡之可制此其為功曷可殫紀況於膏粱之  
習貧賤則廢雋永之求不得則恚茲隨寓之必有雖約  
居而足恃殆將與之終身又可貽夫同志子獨不見吾  
納湖之陰乎雪銷壤肥其茸葳蕤與子婆娑薄言掇之  
石鉤瓦盃啜汁咀齏高論唐虞詠歌書詩嗟乎微斯物  
孰同先生之歸於是相屬而歌殆日晏以忘饑 元郝  
經牡丹菊賦有序初入新館客將宋日新致硃砂紅牡  
丹菊一本祇三四花慘悴萎暗不以為奇遂植之穿廊

西之隙地今歲忽茂達成叢高六七尺及秋而放數百  
花所未見也適王甫書狀生朝而其花尤盛故作賦以  
寓感其辭曰西風悄兮幽局木葉下兮空庭忽異卉之  
呈芳乃示予以不情郁霞腴之春姿敷玉濯之秋英蹙  
絳綃於青苞翦翠羅於綠筵折緗桃與紫薇訝鞞紅與  
鶴翎高層層以奕奕重裊裊以盈盈結膩黃以為心抹  
沉粉而含馨凝夜氣以夸晝姘斜陽而彈晴仍牡丹之  
花王彊將菊以為名嗚呼噫嘻時哉匪時造化則奪形

色不移雖反常而似妖顧真宰豈予欺寓國色於羈孤  
謝凡品之芬菲挾金氣於西陸吐霜葩於東籬鄙傾城  
之鄭袖期佩蘭之湘纍獨超出於羣倫不繫累於等夷  
特以秋而為春乃奇花之出奇彼自為一時殆非後時  
也且持杯而浥露更嚼白以待月儘吳江之飛霜甚窮  
海之餐雪與後凋之姚魏共終全於晚節 明何景明  
白菊賦有序甲子九月十四日馮侍御宴集出白菊詠  
賞屬予賦之盖以奉賓主之歡洽耳豈有望於榮觀哉

辭曰繫季秋之將望予恤夫序次之易代既無暇於遊  
覽亦索處而寡類接芳鄰之招引誠欽志於雅誨塵主  
人之投轄肅羣俊而弭蓋迺陳秋卉以侑觴冀逸興之  
可貸咸式燕以延賞異過時而尚愛喜幽玩以怡情追  
佳節之莫待豈無得於物觀實有感於斯會猥受簡以  
抒思庶形狀之具載爾其葳紫莖而上擢庶竒芳以孤  
植葉萋萋其微靄萼栗栗以寒色申纖縞以自貞羞組  
綵之外飾承危朶而不傾挺柔枝而益力香冉冉而不

繁豔娟娟而稍抑態屢覲而愈妍意凝想而彌極始嚴  
整而莫褻終溫郁而可即華不露而已章思欲語而復  
默神超有而入無豈髣髴之遽得迺若閒館重深高幕  
虛涼簷蕭蕭以下月庭藹藹而降霜燦灼燦以映夕紛  
委綴而明廊素娥兮聯裙青女兮駢妝縹輕鬢以雲鬚  
皎靚質而雪光驂連蜷兮鸞鶴服陸離兮珮璫信雕容  
之可赧嗤效顰之不量於是賓徙倚而久竚若耿耿其  
懷傷釭滅影兮續膏夜就深兮移牀馳留歎於永謝結

華思於餘芳允思美之所遇亦既隱而復揚乃歲律之  
甫遷慨金氣之何速鳥栖栖而斂翮颺颺以驚木悅  
窮莽於廣隰班紛薄於修陸衆已謝於場野獨宛轉於  
寒谷甘苦心於螻蟻等末幹於樸櫟雖曠絕以自持胡  
偃蹇而下伏夕淹雨而泣素朝披煙而委綠羌守操以  
堅冰徒有容之若玉儻衣袖之是將亦絃琴而可錄吾  
觀夫懷達人之隱德抱貞女之幽衷詎嬰情於豐華奚  
移志於始終桃早秀而先萎槿晨敷而暮空苟清白之

為尚曷芊菲之足崇嗟予之不淑兮撫年運而興悲覩  
茲植之所由懼修名之失時彼斯人之同志吾何俗之  
不隨迺子子以矯激羨草木之所為偉夫君之超越幸  
方圓之有持矧諸公之奮竒俱發蹤之可師顧會合之  
不偶常寡歡而多離指孤芳而締好創遊燕以為嬉誠  
後期之不忘或有徵於微辭 後白菊賦有序菊有白  
色者超越他品予嘗賦之矣丙寅之秋京師桃李皆花  
予庭是種生意淒然久而不敷至十月始盛開色益鮮

麗予感焉復作後賦大運荒乎何停陰陽奄以代謝究  
動植之所由嗟何物之弗化時維孟冬金虎兮屏舍白  
帝兮徂駕氣厲厲兮始嚴景習習兮將下值抱疴以閒  
居循周除而蕩思庭葉委以陳翳階薜穢而不治覽庶  
草之先零撫茲根之獨遲彼桃李之非令亦競榮而呈  
姿曄丹華以鬱鬱冒綠林而萋萋胡衆人之好侈班紛  
慕其芳菲朝絲吹兮填闐夕車馬兮成蹊咎玄樞之舛  
訛諒人事之尤違矧天道之無遠或省予而弗知繫予



植之雖晚實鄙志之所欣賤羣穠之溷濁耻雜敷之糾  
紛俱並進以取妍表孤花以見珍寧他卉之我先甘避  
迹而弗羣乃其蘊金氣以內凝標皜質而外映蔓不踰  
垣繁不被徑葉塗塗其自沃枝矯矯而獨勁宛含意其  
孰語若鍾情而未定女幽房而專情士窮巷而寡行服  
縞組以修容佩珩璜以昭令寄岑寂以怡心襲馨香以  
飾性無良朋以修好憾邪灼之干正又如下國之擯臣  
離宮之斥嬪心怲怲以懃惻懷耿耿而苦辛緬中宵以

前席念昔日之下陳慨微歎之莫宣若有怨而弗伸分  
孤蹇以終畢羌孰予兮幸親結柔條而三嗅重延佇而  
欽心寂闕館以容與散塵營以滌襟鑒微月之曖曖步  
列星之森森天窈窕以條革疾風起而夕陰念沍寒之  
已逼慘獨悲夫衆林苟操性之殊軌豈華色之遽沉內  
惆悵以懷顧悅屏營以咨嗟覩日月之滅毀恐霜雪之  
增加抱孤英以自明悵情親之我遐慮寒香之終匱俾  
予身之蹉跎負大塊以馮生豈惟是乎獨嘉物何盛而

弗衰亦何枯而弗華夫芝焚而柏薪皆菸顏而殞葩伊  
桃李之既零亦奚異乎泥沙委常運以流轉復胡戚而  
胡夸誠予衷之不爽彼夸戚兮如何亂曰有美一人揚  
清芬兮縞袖合沓回素雲兮被服文徽皓續紛兮令儀  
澹澹斂玉手兮傾城獨立世不有兮時無蹇修誰則覲  
兮谷逶迤兮雪霰來兮衆芳萎兮嗟伊人兮秉志不回  
兮 徐氏園菊賦晨步小園一望疎林白雲縹緲黃葉  
紛紜風蕭蕭而異響寒凜凜而侵人驚天道已殘秋覺

霜氣之稜稜鴈嘹唳而南還蛩啾唧而哀吟值時景之  
荒涼菊方華於後庭何其晚也是造物之無知乎善爾  
碧枝點翠嫩萼噴金無桃李之妖艷抱松柏之堅心雖  
素雅之非凡奈何生乎不辰寄寸根於塵世胡為乎不  
遇乎陽春及其華也不獲寵而鮮妍兮懷淒楚於秋霜  
陰雲慘淡以蔽天兮日色薄而無光日色既薄而苦短  
兮惜乎金英之徒芳遭風欺而雨妒兮獨斃斃而不變  
其常吁嗟佳哉細觀其高世出塵之姿幽默徘徊之態

嬾隨俗以富貴愛清冷而盤桓似有為而不見用於時者也似抱道而隱逸者也順天而安分者也豈習俗之能知邪重曰聊植疎籬清且幽兮天運閉塞隱而潛兮隱而潛兮霜淒雨霏兮百草罷綠爾猶存兮困苦自持時窮見操兮行比幽人素位履貞兮

文賦散句增晉傅玄菊花賦布濩河洛縱橫齊秦掇以纖手承以輕巾操以玉英納以朱脣服之者長壽食之者通神 盧諶菊花賦綠葉雲布黃蘗星羅 陶潛歸

去來辭三徑就荒松菊猶存 梁吳均與顧章書幸富  
菊花偏饒竹實山谷所資於斯已辦

四言古詩原唐蕭穎士菊榮一篇五章采采者菊芬其  
榮斯紫英黃萼照灼丹墀愷悌君子佩服攸宜王國是  
維大君是毘貽爾子孫百祿萃之 采采者菊于邑之

城舊根新莖布葉垂英彼美淑人應家之禎有絃既鳴  
我政則平宜爾棟崇必復其慶 采采者菊于邦之府  
陰槐翳柳邇楹近宇彼勞者子喧卑是處慨其莫知蘊

結誰語企彼高人色斯遐舉 采采者菊于賓之館既  
低其枝又弱其幹有匪君子是焉披翫良辰旨酒宴飲  
無算愴其仳別終然永歎 歲方晏矣霜露殘促誰其  
榮斯有英者菊豈微春華懿此貞色人之侮我混于薪  
棘詩人有言好是正直

五言古詩原晉袁山松詠菊靈菊植幽崖擢穎陵寒飈  
春露不染色秋霜不改條 陶潛飲酒結廬在人境而  
無車馬喧問君何能爾心遠地自偏採菊東籬下悠然

見南山山氣日夕佳飛鳥相與還此中有真意欲辨已  
忘言 秋菊有佳色裛露掇其英汎此忘憂物遠我遺  
世情一觴雖獨進杯盡壺自傾日入群動息歸鳥趨林  
鳴嘯傲東軒下聊復得此生 和郭主簿和澤周三春  
清涼素秋節露凝無遊氛天高風景澈陵岑聳逸峰遙  
瞻皆竒絕芳菊開林耀青松冠巖列懷此貞秀姿卓為  
霜下傑銜觴念幽人千載撫爾訣檢素不復展厭厭竟  
良月 增梁王筠摘園菊贈謝僕射舉靈茅挺三脊神



芝曜九明菊花偏可憇碧葉媚金英重九惟嘉節抱一  
應元貞泛酌宜長久聊薦野人誠 唐韋應物效陶彭  
澤霜露悴百草時菊獨妍華物性有如此寒暑其奈何  
掇英泛濁醪日入會田家盡醉茅簷下一生豈在多

韓愈晚菊少年飲酒時踴躍見菊花今來不復飲每見  
恒咨嗟佇立摘滿手行行把歸家此時無與語棄置奈  
悲何 白居易東園翫菊少年昨已去芳歲今又闌如  
何寂寞意復此荒涼園園中獨立久日淡風露寒秋蔬

盡蕪沒好樹亦凋殘唯有數叢菊新開籬落間  
攜觴聊就酌為爾一留連憶我少小日易為興  
所牽見酒無時節未飲心欣然近從年長來漸  
覺取樂難常恐更衰老強飲亦無歡顧謂爾菊  
花後時何獨鮮誠知不為我借爾暫開顏  
和錢員外早冬翫禁中新菊禁署寒氣遲  
孟冬菊初坼新黃間繁綠爛若金照碧仙郎小  
隱日心似陶彭澤秋憐潭上睂日慣籬邊摘今  
來此地賞野意潛自適金馬門內花玉山峰下  
客寒芳引清句吟翫煙

景夕賜酒色偏宜握蘭香不敵淒淒百卉死歲晚冰霜

積唯有此花開殷勤助君惜 席夔霜菊時令忽已變

行看被霜菊可憐後時秀當此凜風肅淅瀝翠枝翻淒

清金蘂馥凝姿節堪重澄艷景非淑寧祛青女威願盈

君子掬持來汎樽酒永以照幽獨 宋蘇舜欽和聖俞

庭菊不謂花草稀實愛菊色好先時自封殖坐待秋氣

老類裝翠羽枝已喜金靨小嚴霜發層英益見化匠巧

搖疑光艷落折恐叢薄少一日三四吟一吟三四遶賞

專情自迷美極語難肖得君所賦詩爛漫愜懷抱朗詠  
償此心清尊為之倒 梅堯臣舟上採菊泯泯平慢流  
行當季秋月演漾過汀洲汀洲芳杜歇白露夜正霏黃  
菊寒更發采以泛酒卮不獨映華髮 和劉原甫省中

新菊華省切星斗沉沉嚴燕房秋風茂陵孫種菊爛生  
光天晴蝴蝶飛上下舞雙黃劉郎才筆豪移榻吟在傍  
日晚吏已散殘景上粉墻有酒無飲伴掇英襟裾香還  
思陶淵明棄官歸柴桑東籬獨此物盈把恨無觴賴有

白衣來好事遺壺漿適意各一時豈乏同舍郎 謹和

相國屋上菊叢屋上有叢菊結根深瓦縫既無地勢美  
又乏土力壠乃因塗明生不因人所種亦能應節開焉  
取入公用公來步廣庭聞鴈目始縱忽見粲然英降植  
合常從賓僚席其傍詠翫意已重物莫厭僻遠會遇良  
可頌 依韻和通判把菊有寄湖邊草樹多蠹葉已少  
色唯菊不畏霜淡艷如有德自與蘭並生非因人所植  
愛貴曾未厭秋日短苦逼朋好各相望採持空嘆息臨

杯不能飲對案不能食借問君何憂節物感人極  
歐陽修西齋手植菊花過節始開偶書奉呈聖俞秋風吹  
浮雲寒雨灑清曉鮮鮮墻下菊顏色一何好好色豈能  
常得時仍不早文章損精神何用覩天巧四時悲代謝  
萬物惜凋槁豈知寒鑑中兩鬢甚秋草東城彼詩翁學  
問同少小風塵世事多日月良會少我有一樽酒念君  
思共倒上浮黃金藥送以清歌裊為君發朱顏可以却  
君老  
原蘇洵菊騷人足奇思香草比君子況此霜下

傑清芬絕蘭茝氣稟金行秀德備黃中美古來鶴髮翁

餐英飲其水但恐蓬蒿傷課童加料理 增司馬光秋

原菊高原向搖落叢菊始滋榮草際浮金碧照人雙目

明何須天生理玉笋泛餘英 王安石黃菊有至性團

團城上日秋至少光輝積陰欲滔天况乃草木微黃菊

有至性孤芳犯寒威采采霜露間亦足慰朝饑 原蘇

軾詠甘菊越山春始寒霜菊晚愈好朝來出細粟稍覺

芳歲老孤根蔭長松獨秀無衆草晨光雖照耀秋雨半

摧倒先生卧不出黃葉紛可掃無人送酒壺空腹嚼珠  
寶香風入牙頰楚些發天藻新萸蔚已滿宿根寒不槁  
揚揚弄芳蝶生死何足道頗訝昌黎公恨爾生不早

增蘇軾贈朱遜之詩并引元祐六年九月與朱遜之會  
議於頴或言洛人善接花歲出新枝而菊品尤多遜之  
曰菊當以黃為正餘可鄙也昔叔向聞驪蔑一言知其  
為人予於遜之亦云黃花候秋節遠自夏小正坤裳有  
正色鞠衣亦令名一從人偽勝遂與天力爭易姓寓非



族改顏隨所令新奇既易售粹駁宜相傾疾惡逢伯厚

識真似淵明君言我所印世論豈敢評願君為霜風一

掃紫與頽和子由記園中草木野菊生秋澗芳心空

自知無人驚歲晚惟有暗蛩悲花開澗水上花落澗水

涓菊衰蛩亦蛩與汝歲相期楚客方多感秋風詠江蘺

落英不滿掬何以慰朝饑陳與義菊黃花不負秋與

秋作光輝夜霜為作紫朝日為解圍今晨豈重九節意

入幽菲孤芳擅天地衆卉亦已微殷勤黃金鑒照耀白

板扉沽酒欲壽花孔方與我違靜坐絕省事未覺此計  
非夕英豈不腴騷人自難肥 書懷示友蕭蕭十月菊

耿耿照白草開窓逢一笑未覺徐娘老風霜要飽更獨  
立晚更好韓公真躁人顧用憂懷抱 范成大寄題向

撫州采菊亭一葉起秋色衆綠凋歲華耿耿霜露側餘  
此黃金葩西風滿天地孤芳照塵沙殷勤開小築花氣  
日夕嘉落英楚纍手東籬陶令家兩窮偶寓意豈必真  
愛花不如亭中人一笑了天涯采采勿虛度門前欲高

牙 陸游陶淵明云三徑就荒松菊猶存蓋以菊配松

也余讀而感之因賦此詩菊花如端人獨立凌冰霜名

紀先秦書功標列仙方紛紛零落中見此數枝黃高情

守幽貞大節凜介剛乃知淵明意不為汎酒觴折嗅三

歎息歲晚彌芬芳 小飯賞菊菊得霜乃榮性與凡草

殊我病得霜健每却稚子扶豈與菊同性故能老不枯

今朝喚父老采菊陳酒壺袖舞翩躚擊缶歌嗚嗚秋

晚遇佳日一醉詎可無 晚菊蒲柳如懦夫望秋已凋

黃菊花如志士過時有餘香  
眷言東籬下數株弄秋光  
粲粲滋夕露英英傲晨霜  
高人寄幽情采以泛酒觴  
投分真耐久歲晚歸枕囊  
陳貧窓詠菊花手種黃金花  
摩挲待其成朝來風雨過  
萬彙秋砵泚起問花知否  
獨立長亭亭嘗於清霜下  
退然得此生南山與東籬  
我亦學淵明久落塵網中  
叫花花不應

韓竹坡采菊擷我

百結衣為君采東籬半日不盈掬  
明朝還滿枝悠然何處是  
千古正如斯金党懷英西湖晚菊  
重湖滙城曲

佳菊被水涯高寒逼素秋無人自芳菲鮮飈散幽馥晴  
露隨餘滋蹊荒綠苔合采采嘆後時古瓶貯清泚芳樽  
湔塵霏遠懷淵明賢獨往誰與期徘徊東籬月歲晏有  
餘悲元郝經野菊乾坤入消數萬物呈晚節秋晏菊  
始華荒叢翳林樾野迴幽姿清岡斷寒艷接絲蟲宵青  
苞啼蜚抱枯葉灑露積玉華層層擁金屑我欲摘以杯  
飲之濯中熱霜栽郁高標胡與荒穢列嗟爾夷惠傳玉  
質難變滅不謂無人看便使幽香歇安得老瓦盆坐對

澆古月 何中菊二首我耕不半畝黃花列千叢蕭條

變衰時一夕萬里風立孤不作難英英異風骨君看牆

東客夜寒步霜月 菊花如幽人梅花如烈士同居冰

雪中標格不相似道路阻荒寒故人萬里餘菊枝儻可

折持以寄遠書 吳景奎采菊爽氣浮西山風煙澹原

隰悠然出衡門佳節逢九日衆草萋以青黃菊正秋色

采之不盈把妙意良自得謂能制頽齡可泛忘憂物驩

言命壺觴萬事付酣適永懷東籬人俛仰已陳迹 王

翰題菊我憶故園時繞籬種佳菊交葉長青蔥餘英吐  
芳馥別來二十載粲粲抱幽獨豈無桃李顏歲晚同草  
木及茲覩餘芳使我淚盈掬離披已欲摧瀟灑猶在目  
雨露豈所偏歲月不可復歸去來南山餐英坐空谷

戴良對菊聯句翡翠翦秋葉金瓊鏤寒英良駢枝競戢

戢植幹紛亭亭翰逞芳固的皪鬬媚益晶熒璜幽姿匪

人造逸態諒天成轅傍芽萌庶孽乳萼朶懷綳溫螫虎

縮逗翳瘁耗枯槁良遲倩飈陣颯疾役雷輶翰挈

楹互雜沓跂檻逋紛爭

璜

秋榮姿姬嫗春粲失嫵嫵

轅

瑩奪鵝肪膩飛攘鷗毳輕

溫

韻列帖疎穴迹祕慰羈傖

良魏書奉延輔酈水滋甘馨

翰

締芳笑蘭友論雅傲梅

兄璜撼撼感餘鍛采采憐孤撐

轅

譜之已百品詠之復

千名

溫

或繁若朝弁或潔若藍瑛良或密若飄霰或粲

若羅星

翰

或赴若輻輳或屹若戕屏

璜

或散若甌豆或

聚若輜輶

轅

或潤若璜佩或麗若金羸

溫

或鮮如鷺振

或悴如魴頰良或斥如僕隸或積如雲仍

翰

或翩如春



蝶或熠如宵螢璜或偃如脅偃或昂如氣盈轅或揚如

袂舉或側如杯傾溫或盛喜若笑或哀憂若醒良或即

階陞立或俱益益升翰或儕處士逸或儷節婦貞璜或

翔疑孔翥或峙訝鸞停轅或詫天姥巧或覘地媪靈溫

朝采有元亮夕餐有屈平良用酬我嘉節來踐爾佳盟

翰餽容交錯飮卮許逡巡行璜摘鮮盛梨栗傾濁饒醪

醴轅起酬足蹂躪坐嚙腹膨脝溫陸味萃南品海腥極

東烹良已暢一朝樂復哦千古情溫句奇婉聲確韻古

鏗韶諶良馳驟門接武格鬪掀鏖兵翰味辛薑桂性語

險魅魍驚溫怯敵迹屢屏懾敗眼頻瞠良籍湜走且躡

郊島弛復惺翰尊卑異川岳清濁分渭涇璜遐思時蹠

胃凝睇靡睊睛轅顧慚駑駘力莫抗騏驥衡溫四美已

云具二難亦既并翰愁去踰激矢歡來劇抽絢璜即此

成放曠何用困拘惺良永緝婀娜佩庶濯塵垢纓翰

僧宗衍對菊有感百草競春色惟菊有秋芳豈不涉寒

暑本性自有常疾風吹高林木落天雨霜誰知籬落間

弱質懷剛腸不怨歲月暝所悲迫新陽永歌歸去來此  
意不能忘 明胡翰維南有佳鞠維南有佳鞠風露發

清妍離離碧玉樹燦燦黃金錢色含坤裳美質抱日精  
圓蘊靈自女几滋布彌樊川既入神后品還充仙子餐  
中壽登百歲上壽延千年千年與百歲何異瞬息間獨  
有幽貞節可比金石堅托以奉君子歲晏期弗諼 王  
芾題秋菊軒九月霜露零秋氣已云肅草木盡凋悴而  
有籬下菊燦燦如有情盈盈抱幽獨我欲餐其英采之

不盈掬呼兒具雞黍白酒正可漉素心  
二三人於焉叙心曲陶然付一醉萬事亦已足  
詠歌柴桑詩千載有餘馥  
李東陽墨菊二首白霜被原隰黃菊秋始花  
餘馨引遙袂采掇初還家秀色雖可玩玩久不復華  
入畫清且古為詩正而葩幽懷託揮寫庶用傳無涯  
持此問真幻無言空自嗟  
畫菊不畫香香空詎堪掬畫菊不畫色色似花已俗  
都無色香在安用此為菊登堂見孤標入手宜可觸  
自非識菊者但看桃李足古色今不知世

人空有目 王問涇上觀菊涇上一老人愛菊如愛稼

踏葉到林丘散襟茅茨下清歌吐芳音采采漸盈把  
言五色姿陽春似相假晚節良可親予懷自舒寫有物  
苟會心那辭在荒野歲晏不可留柴車夙云駕奕奕車  
馬客誰解閑行者 董其昌盆菊衆芳豈不妍秋英自  
清絕意與幽人會標名霜下傑容以桃李顏艷彼茱萸  
節翩翩五陵子佳色紛相悅積紫照朱茵堆黃象金埒  
賞韻一以乖籬堵寧辭拙亭亭盆中菊偏承美人擷香

分甘谷幽色借冰壺潔對此讀離騷心魂生瑩徹悠然  
見西山孤峰正欽簍

御定佩文齋廣羣芳譜卷四十九